





義烏華溪虞氏宗譜卷之二十五

辰字號

墓誌銘表及壙記皆出名公巨卿之手盡屬宏通淹雅之詞誠先  
代世德之紀也謹彙次附錄以永其傳庶可免文獻不足之慨矣

墓誌銘

贈朝議大夫虞公墓誌銘

行千世五

始余猶子從龍善其友虞復每為余道其府君之賢有德復入太學  
諸生始往來余門問其先君則亡矣余與復處久知其為人益  
之有自來也暨復以大宗正丞外補將行泣言曰復不天釜養

今歸將燎贈黃而墓上之刻之著頌之生賜之文余既因從龍知

言良苦乃敘而銘之君身世積

事力非裕而心地自余

益自修

事不妄言笑端坐正

郭不過市足不踏公門合

厥考性剛嚴君承顏



倖年未五十居考憂頓頓省

終天之事繼母夏氏白首

亡家

巨役

力何預一

羣從八京將渡江舟滿垂

疑就次寒天寒日

舟呼曰不可待也語同舟人

尺寸

摘君使先

曰人涉

叩須我友吾兄弟鴈行何故先既而風大作次舟曉方

岸六

曰不用吾言得無恐乎君曰身危矣心則安君喜觀

瘋者

得新書輒廢寢食深不信釋老禍福之說喪祭必以禮巫覡


斥秉心正直期俯仰不媿怍而已病且革語其子曰吾此數日自省平

生行事即死無歉其子請曰何以教兒君曰吾平日云何屬續之頃夏

氏安人呼之張目曰某不孝負吾母矣淚迸出哽塞遂死嗚乎人之生

也其心未始不明乎善及膠擾於利害以貿亂其是非於是其所為之

善不善罔克自覺君今平生矜持比其死猶有數日之暇以自循省如





會子之啓手足可謂能全其真以還乎天矣獨恨不獲終養其母天實  
嗇之年奈何復旣仕母益壽考兩遇慶典被恩封西掖侍御之命辭娛  
老飾終皆盡禮庶乎卒君之志者君諱泐字處甫先世系由越徙婺之  
東陽今爲義烏人曾祖亨祖靖父默俱潛隱有行夫人青陽陳氏元祐  
名臣寶文閣待制次叔之曾孫女少習於禮與君相賓敬四十年如自  
始嫁晝梭宵鍼以佐生事三叔二姑衣履一出其手婦德婦功爲一  
女師饋食於翁姑側足戶外以俟翁出乃進姑前而問曰

不可於口乎長子翁鍾愛冠而天翁聞哭聲輒淚墮懼傷翁心

哀鬱而成疾其慈孝如此君三於二十四年正月庚午卒

十年五月辛卯夫人後君一正月之卯生先一年九月辛卯

爲夫一縉雲鄉惠峰之原其卒之年十二月一

心氏十一月庚申合葬焉子男三人拱早亡益爲士復通

信州孫男二人女一人銘曰



善世積兮方寸渺原泉兮有本躬自雀耳平生粹無

人之藏兮庇爾後人

相兼樞密使肅國公喬行簡

朝奉郎權知嘉興軍府兼管內勸農事希堅書

朝奉大夫權工部尚書兼侍講李大人

尚書吏部知瑞州府事遠齋虞公墓誌銘

行百十九

上卽位初年銳情嚮學開緝熙殿日進儒臣講讀金華虞公以揚

酒官條上御書四十八規敷暢厥旨有勸有戒上覽之喜擢主管戶部

架閣文字制書有昭異獎來嘉言之褒衆曰將進矣會忌者當路俄幹

辦浙東提舉常平明年改浙西安撫司幹辦公事未行留掌故府嘉熙

改元除籍田令武學諭宗正寺主簿教授莊文府太常博士大宗正丞

知信州秩滿除都官郎以御史金淵之承宰相嵩之意論罷主管台州



崇道觀公歸臥東巖二十年不交諸公貴人書自號遠齋著成己集四十餘萬言茹涵古今嘯咏泉石裕如也余在館閣日公嘗游山中觀瀑詩興趣修遠真有蟬蛻軒裳之意寶祐二年矩堂董公槐在西府雅知公負材業鬱不得施公言諸朝得待桂陽軍會董公得政爲版曹擇人除公全部郎官尋兼國史院編修官實錄院檢討官陞對歷陳帝王傳心之學不忘四海困窮之念議論懇到忠實改尙右郎官復因序對舉大學正心誠意爲綱領分忿憶好樂爲節目其畧曰慶賞刑威人主紿其大權而已漢唐諸君事無巨細一切以意行之則威褻威褻勢反輕而以身受天下之議聲色玩好以吾意一時之所怡止則慾勝慾勝之弊主德益損而以一心受衆物之攻又曰文帝欲作露臺比其好樂之意初動也帝不卽使人築之而姑召匠計之乃知百

十家之產遂輟其役以成其儉德又嘗欲重犯蹕盜環之罪是其忿憶之意初動也帝不卽使人誅之而下廷尉卒使廷尉得守其平



成仁慈之名。臺臺千百言視前疏益更悵。如嘉納焉。三年郎署澹然  
無營。屢疏丐閒。復得待次寧國府。以歸。尋改知瑞州。得謝卒。積階至  
議大夫。年七十二。實開慶元年十二月十三日也。嗚呼。仕止久遠。唯可  
是適可者。時之宜義之正也。公始以眇然一酒官箴諫動天子。會二期  
年由朝紳佩二千石印綬去。亦隣於仕而速矣。然退處二十年。累  
微。見面白首爲郎。直道勇退。終焉得正。而斃然後世之評品。八  
尺始定。而公之心事磊落。晚節益暴著矣。銘余何辭。按公字從之。  
義烏縣人。曾祖靖。祖默。俱隱德。父贈朝議大夫。泐妣贈恭人。陳氏。喬子  
惠公。實誌其墓。公篤孝。愛祖妣疾。藥必親嘗。有嘗藥次第錄。母疾爲詞。  
籲帝。減乞算益。母年終老。念親必悲咽涕泗。羣從孤嫠。貧不能自振。媵  
黨子弟無所於學者。經紀數載。不遺餘力。初筮都昌簿。正賦役之版。疏  
糾結之訟。強禦有操縱。繼絕之權者。有司不得可否。公移書常平使者。  
直之知戶長代輸攬家匿賦爲催科大蠹。防慮周密。暨居倉幕。白其長



取舊式行之一道蒙利守上饒會史丞相開府督視盡收郡國利權軍  
務趣辦星火急至上煩御札勉諭公因表謝力進愛養根本之說雖忤  
權燄弗顧也民苦權酷公至卽弛禁楮皮重困田里亟請於上得減半  
揭數通衢吏不得高下手歲饑勸分故事責之鹽商公曰自鈔法變昔  
富公今窶人也粟安從出迺捐圭租數百斛食餓者爲大家倡多所全  
活城西有圃曰百花莊蓋郡侯游燕之所公自下車憂勞民瘼終歲不  
一往它日閔雨始卽其地禱齋甘澍大集農以稔告邦人士感悅請  
名六月雨公從之爲作大字併誌壁間率僚吏賦詩時予實從  
凡皆目擊頃過莊下遺墨猶新信民愛護至今有甘棠之思  
身偃蹇乃反坐信爲累重可歎也公蚤親前輩典刑學有原委爲文詞  
根極理致洗削纖巧倪公千里存誠齋東公震皆公師也所著成己集  
凡六經子史百氏記載有關於治心養性之道修身齊家之法應物處  
事之方日抄月萃口誦心維隨所契悟皆以己見發之議論精確如



易不遠復一節超詣深微有先儒注傳所未及者又倣太公家教作吉  
蒙十三篇合詩文爲二十卷藏於家公晚得子躬自訓督初學授以古  
蒙旣冠賓筵則爲教忠集警之會疾未脫藁蓋公暮年之所述悉蚤歲  
之所聞山林之日長文字之味永近世新雋血氣方剛則相與樹標榜  
眩芒角以譁世取寵歲年婉晚志氣消歇回視其初若二人然也  
所不屑爲也公文惠公客暨文惠公柄國乃簡交絕游深  
館遂爲怨府矣異時求全之毀率此醞釀公每語余曰天下事十是  
而已毀譽何足計抑可以觀其素守云公娶吳氏封宜人先十年卒  
男二琮國子發解進士早世璞將仕郎女一登仕郎龔仁靜郎壻也塋  
以景定元年十月丁酉墓在龍祈鄉溪西之原夢鼎優舍選公實司文  
衡上饒又從公爲長辱知最真頃從建安走力訊公起居時將屬纊猶  
命筆報書爲訣眇眇風義之死靡他殆古之所謂尙德人哉每閱手澤  
爲之雪涕



銘曰

東巖之巋然有美人兮  
頎然遠齋之脩然有潛郎兮  
超然不要諸終  
胡知其始之全揭銘新阡以昭公幽泉

葉夢鼎撰

國子進士虞岳卿墓誌銘

行百廿一

婺之虞氏繇越徙其居烏傷山中也亦以遠忘其世次有諱靖諱紹  
玠者是爲國子進士諱夢桂字岳卿之先皆有隱德岳卿生時  
歲能屬文輒有佳語與從兄復共學少二歲復自謂弗及也

先誠齋陳公震游其徒以百數一日得其文驚喜以示諸生日諸  
會聚莫不指目岳鄉任真不事修飾年二十許謹重如八十翁事親耐  
勞無怨身任門戶之事一毫不以累於親懷亦不以糾其弟與諸弟語  
如恐傷之處宗族鄉曲恂恂無忤至論別是非輒奮起不苟隨觀書



專事口耳論三國六朝諸賢往往多感慨其志皆將有爲也然性不喜  
干時間不能家食則應賢士大夫之招以教授其子弟而已復拙於謀  
官幾二十年巖卿未嘗過而問焉其志可知也岳卿生於紹熙庚戌正  
月丁卯母樓氏娶丁氏生四子蕃登爽泰孫六人四男二女巖卿屢試  
太學三上南宮皆不利晚又多病蕃以文墨游吳中諸公固留  
以時歸省乃迎其家以就養亦寒士所難也居六年巖卿竟歿  
實寶祐戊午二月戊申也其且猶能衣冠以延客旣而就榻惟言明則  
有禮樂幽則有鬼神二語頃焉逝矣亦異哉復哭之曰巖卿行義修於  
家庭而才智不施於事業詞章見推於朋友而一第不登於奉常攝生  
如護珠玉而康寧壽考之福不集於其躬天理豈可詰哉其年十有二  
月壬寅蕃等奉柩歸葬於縉雲鄉白巖之原泣謂復曰伯父哭吾父三  
語盡之矣盍以銘其墓余悲哽不能答是爲銘

朝請大夫知寧國軍府事從兄復撰



奉議郎監行在左藏西庫樓 晏書

奉議郎國子監丞兼資善堂直講鄭 震題蓋

清節處士虞公墓誌銘

禮六十一  
原行智一

婺之義烏有篤行君子曰清節處士虞公諱如埴字伯和以至正十年  
六月五日卒年七十有二十有二年十一月二十一日塋於縉雲鄉樓  
塘山先墓之次其子實夫謂潛與君有同門之好以銘爲屬誼不得爵  
遂敘而銘之虞氏世業儒以文學行義爲衣冠右族唐永興文公廿  
南十四世孫諱泐宋贈朝議大夫有賢行喬文惠公銘其墓則

祖也會祖諱益隱居不仕曾叔祖復擢嘉定癸未進士第終於朝議大  
夫國史吏部知瑞州祖諱璧用瑞州致仁恩入官終於從政郎餘姚縣  
丞考諱鏌母俞氏贈中散大夫祿光五世孫君少師事鄉先生王公爰  
澤勤敏嗜學志紹先業比長恬靜有守不以祿仕爲意嘗用薦者



嘉縣儒學教諭辭不赴延祐初興賢之詔下有司勉君應貢亦以親老辭後有以其名聞於集賢者集賢遂畀以清節處士之號君平居下安言笑重然諾治家寬而有法訓飭子弟力學勵行勤理生業公家賦稅必應期會宗族子弟有失學者必親召而誨之貧不能存者節衣食以周之處鄉里謙以和臨財廉而好施杜門却掃游心書史終老

劉氏知雷州士龍從曾孫子男二人長卽實夫次寬夫先君

42

二人適王正平方逢震孫男六人榕楸檉檉枋女一人楣曾孫男一人士恭君與弟如篋友愛甚篤嘗曰生而同胞死當同穴如篋先以子正三年正月二十四日卒實夫遵治命以君之柩與同兆域而葬焉

銘曰

虞在華川望於其鄉以官承家世胄之光以儒傳業世澤之長猗歟處士由學而祿宜起而伏維行之獨奕奕紫芝蒼蒼喬木人錫嘉名曰惟清節天賜之壽兒齒黃髮天又錫之彬彬來葉樓塘之阡水洄



山止從爾先人同爾仲氏既多受祉垂裕無已

中奉大夫前翰林侍講學士知制誥同修國史同知經筵事黃潛撰

進士靜樂縣縣丞虞公墓誌銘

行和七十九

始余爲余華府學師義烏諸生多從余遊獨虞仲規與其兄仲楸晝夜力學不少懈仲規年纔十二三聰敏溫恭應對有禮尤迥異同列時學士宋公濂祭酒許公元與余聯職學中咸器愛仲規特加獎勵以遠大期之其後余出仕於朝及居憂家食前後餘二十年仲規累累囊書躡屨來講經論文用功不輟及余衰老休致而仲規年益壯學益

言卓犖可喜又聞仲規處家有法善事父母兄長遇事剛果剖決精悍鄉里紛爭得其片言靡不悅服縣之賢大夫政事有不決多詢訪焉余益爲之喜洪武七年科舉法行有司強之應薦以年未及格而年十三年應詔就試大廷擢第授山西太原府靜樂縣丞感念親老不忍捨



華溪虞氏宗譜卷之十三  
宦遊因得暴疾竟以其年五月一日卒於京師享年三十有三於乎清  
哉仲規幼名德規長改名木仲規其字也胄出唐永興文懿公世南之  
後宋朝議大夫國史吏部知瑞州諱復之五世諸孫餘姚縣丞諱壁之  
元孫也曾祖諱鏌祖如墳父實夫號西齋處士母劉氏娶東陽李氏元  
江陰州知事庸之女子男三人輔轅軫軫爲兄枋後女一人仲  
通名理邃經術其文章一以韓柳歐曾爲宗所著有雲門小彙一卷古  
今詩集一卷某年某月某日塋於樓塘山之原卒後五年仲楯泣以告  
余求銘其墓呼嗚余尙忍銘吾仲規也邪姑爲述此以抒吾哀云

銘曰

嗚呼天乎降生賢才其有意乎抑無意乎謂爲無意也耶則異吾仲  
規者何其質之敏才之良志之偉而識之長也謂果有意耶有何不  
達之於耆艾而乃折之於方剛是蒼蒼者莫恃而夢夢者之不常也  
嗚呼宛駒之蹠不飾鸞和麟斃魯郊不登頌歌自古則然天也奈何



然吾聞阨其身者多興於其後幸哉有子之既多  
奉議大夫楚府長史前國史院編修同邑朱廉撰

虞母何氏孺人墓誌銘

行會五十九

太學鄉貢進士義烏虞濬以母孺人何氏訃聞將承制歸窆借中書舍  
人吳君希純奉僉都御史盧公爲所行狀來謁曰濬不肖禍鍾慈恃幸  
賜銘文以光泉壤予備閱之得懿德之自且素聞盧公平生剛毅審謂  
慎許與而獨於虞母稱述之詳信可徵者於是書曰孺人諱緣系出官  
清下世族其先有曰何恪字茂恭在宋時爲帥將機宜棄去曰一文行  
有成勝擁節疏封也未幾復起爲永新簿徽州錄事詣闕上萬言書以  
恢復大策不合而去時號烏傷四君子恪居其一義門鄭伯所謂目空  
四海者也恪後歷世至孺人大父某母某氏俱積善務施實生懿姿孺  
人自幼通習小學孝經曉析大義年幾四十歸虞君叔賢爲繼室叔賢



前文懿公之裔孫也自得孺人綜理家務日夕自給祿撫前室張氏二子濡潤不啻如己出二子亦安其慈不復知己之出孺人後生一子滄亦畧不以己出爲意叔賢喜賓客孺人日造醴醕以供需讌暇則機杼組綴未嘗或倦其待子姪以恩處妯娌以和御婢妾以寬隣里貧乏者濟之弗吝其遇事聰慧嘗有隣家乘馬值其主危脫羈來逸逐之既去復來嘶鳴不已孺人曰此吾子孫乘馬之兆也不數年果多畜馬里父老曰孺人先見女中之知幾者也滄旣長孺人與叔賢曰是子可教舉業以干祿仕遣爲邑庠生中浙江辛酉鄉試將上春官時孺人息風氣滄不肯行上白二親年老豈容遽離孺人曰顯親揚名孝之大者奚事於戀戀哉滄至京中乙榜不屑就入太學卒業於大司成古廉李先生未期年而孺人訃聞辟雍矣可勝惜哉孺人生洪武甲寅歿正統乙丑得年七十有二子三人長濡次潤先孺人張氏出也季滄孺人所出卽鄉貢也孫男十二人將以某月某日塋本里饅頭山之陽書畢



銘曰

簿錄遺熹實啓何禡培榮積躋篤生懿姿膠續有虞馨記內政旣懋  
且慈益崇厥慶俊嗣方升而訃止稀齡稀齡匪徵後將莫京

翰林侍講承德郎同修國史吉郡安成吳節撰文

翰林儒士會稽陳綱書丹

中書舍人南昌王叔安篆蓋

文達處士墓誌銘

行同五十八

處士諱清字文達姓虞氏系出唐文懿公世南之後其先居東山有諱  
知微者生子曰元吉始遷義烏之華溪厥後子孫蕃熾簪組蟬聯詩  
承襲義烏稱望族必首曰華溪虞氏高祖如墳曾祖實夫皆讀書尚義  
勿嗜仕進祖槻任靜樂縣丞考文輔尤卓立有爲聲震鄉邦母溪溪傅  
氏有柔行處士蚤承家庭之訓知尚詩書之教洎長善幹蠱維持門戶



和睦宗族無一毫勢利外慕之念惟日以孝友自省勤儉自持課僮僕力稼穡家益因之豐裕宣德間爲征賦萬石長處士輸納勿後時未嘗緇銖橫歛於下正統戊午歲大凶鄉民嗷嗷待哺官府莫能如何處士歎曰鄉民之饑如此可使吾一家獨飽足乎乃發積粟三百餘石濟之後竟不責其償壬戌歲又凶亦如之里黨細民感其惠者不啻之如父母然以故善譽籍籍爲郡邑大夫所器重處士一日視所遺廳宇將圯顧謂其男昌曰肯構肯堂子孫責也可視其傾頽弗治耶令昌重加葺理而煥然一新蓋遵處士命也其他善行之孚於鄉曲及於姻族者又不一而足處士爲人寡言笑慎取與服食尙樸素屏去一切華靡之習畧無驕態待人弗以少長間惟謙謙以卑下自牧縱有迂己者亦不與之較曲直云生洪武丁丑十月十五日卒正統己巳四月廿六日得年五十有三娶義門傅氏婦道表表男二長卽昌次曰昂女二長適大園吳楷次適鬼山趙鍊孫男若干人嗚呼若處士者誠今之溫純君子



也使世有如處士者十數輩列於一鄉則一鄉有三代風矣推之一國天下皆然又奚患風俗不古若耶嗚呼痛哉茲昌卜吉附葬於樓塘山之右請予銘其墓余與處士生同族居同里知處士之最悉者余不銘之惡乎宜乎

銘曰

粵我虞氏兩徙東陽派衍華溪後嗣流長下逮處士溫而良克尙儉素家道益昌天胡嗇壽五袞而亡樓山馬鬣流水湯湯有方者石永世昭彰

鄉貢進士族弟濼撰文并書丹

中書舍人東陽吳希純篆蓋

處士虞公墓誌銘

行義八

吾邑舊族克守禮義弗墮者僅見華溪虞氏天順初有曰紳者爲吾季



父石泉府君甥每過予拭淚述其先處士素行丐予銘且曰不肖生不能孝親矣其潛德懿行苟不託諸文字以圖不朽他日何以見先人於地下耶時予好爲舉業弗克副其請閱四禩試禮部歸紳偕兄紹復躋門申前懇謂墓石礱之久矣迨今勿刻蓋有待於子也子無固辭予雖弗獲識處士夷考其行誠有足書者處士事親能承顏左右處兄弟無間言及居祖父母喪皆哀毀骨立每臨忌日痛哭勿異袒打又割常稔田若干供先祠祀事此知孝弟之當先可書一也宣德間族有六七喪不能舉處士躬爲治之遇諸孤幼無依撫之如己出有爲置室家然後己者此義及於宗族可書二也勇於濟人之急凡鄉里稱貸無少吝凶歲有不能償者則焚其券遐邇德之此惠之及於閭黨可書三也若其爲人恂恂雅飭處己待物畧無驕傲態重然諾尙儉素克敦禮義之風人皆謂其得於家教者不言可知也處士姓虞諱嘉祜字叔禮行義八出文懿公世南後曾祖瑋祖嵩考遠皆潛遯勿售處士生於洪武己卯



十二月十四日卒於景泰甲戌二月八日春秋五十有六配胡氏婦道  
母儀表表閨閫後八年卒天順辛巳五月廿一日也上距所生洪武壬  
午二月九日得壽六十以禮合葬於本里蓮塘山之原男三長曰紹次  
曰紳皆胡出又次日純側室王氏出女一胡出適松門龔潤孫男九克  
慶克岐克嶷克幽克仁克和克崇克岑克平孫女三幼在室嗚呼去古  
邈矣而風俗日益澆漓求若處士之立心制行者幾何人耶紹以昭遠  
宜矣

銘曰

武巖百仞華溪九曲鍾若人兮其溫如玉孝誼勤儉益振其家德之  
所在餘慶無涯

賜進士第徵仕郎中書舍人同邑王 汶撰文并書丹  
文林郎江西宜春縣知縣致仕同邑楊德宏篆蓋



處士虞公墓誌銘

行義六十三

處士虞府君既卒越五年爲正德壬申其冢子上舍大韶具狀親詣荷亭徵銘於墓石格惟盧與府君累世姻家懿德卓行知之甚悉而大韶尤爲莫逆則銘有不得辭者按狀府君諱昌字子盛號樂壽姓虞氏義六三其行也其先會稽人宋始遷義烏之華溪至府君已十五世高祖實夫讀書好禮會祖槻靜樂縣丞祖父文輔父清俱有隱德母傅氏有淑德府君聰慧倜儻立志不凡痛父早逝慨然以幹蠱爲己任葺廳堂修垣宇凡百遺緒煥然一新年幾髻始別築室以居事母氏以孝教子孫以義待兄弟以恩睦宗族以禮居家有度御下有方應接賓客從容款洽百事叢萃畧不動容雖至倉卒亦無疾言遽色揚人之善惟恐不及聞人之過終身不言親戚故舊一誠相與未嘗以盛衰存亡易心能因事導人於善人皆化服與人謀利多以讓人興濟橋壞捐己資以助成之每值歲凶輒輸粟百餘石以資有司濟荒之用凡此之類不一而



足郡邑士大夫罔不敬仰君子曰濟時美器也使得一職而推其所蘊  
則功業詎可量乎正德戊辰正月廿七日戌時以疾卒於正寢距生永  
樂癸卯九月初三日寅時春秋八十有六是年季冬廿一日安厝於上  
華溪後山之原先娶龍岡王氏男一大韶女一稜適吾從兄本繼娶大  
園吳氏男三銓銘鎮女一細適巍山趙沐孫男一十七人文謹文謠文  
諤文評文讚文詢文獻文諱文詔文訓文祐文詵文諛文譙文謨文德  
文會皆諳知書史孫女三人妙需適吾從子點妙嵩適鬼山趙稠妙清  
上湖何照嗟夫府君恭勤不懈正直不欺不立町畦不修邊幅動靜云  
爲舉合古度而得失喜愠聲色隱然誠無忝乎古逸民矣祿位名壽固  
宜兼得天賦其一而嗇其三謂之何哉昔竇禹鈞專修德義不求聞達  
而享有壽考子孫榮昌天之報施蓋亦不爽今大韶學行兼隆行將得  
位得祿子子孫孫弗替引之未必不與禹鈞齊美也謹銘之以俟

銘曰



嘉樂君子

溫乎如玉

天道福善

胡啻其祿

躬行君子

淵默無聲

天鑒靡忒

胡啻其名

祿無人爵

天爵自足

名不升聞

鄉邦信服

漢有陳實

宋有禹鈞

孰繼其踪

有美府君

功光先德

慶垂後裔

蘭玉繽紛

有隆無替

鳳山之麓

鬱乎蒼蒼

刻辭不愧

終古流芳

正德壬申十一月望日

賜進士第文林郎江西道監察御史

姻生東陽三峯盧格正夫撰

徵仕郎虞公墓誌銘

行曾廿六

義烏有隱君虞紹字仲德者其先本唐文懿公世南之後九世孫元吉始由吾郡遷居義烏之華溪厥後曰復歷官吏部以政蹟聞曰夢棣曰棨皆為宋郡馬以聲望著自是書香不絕號稱世家曾大父諱嵩大父



諱滾父諱嘉祜俱隱德弗耀處士爲人孝友溫良言出而信孚行舉而  
義聞鄉里無偷薄之俗蓋化其厚也又好賑施人多德之宏治辛亥大  
饑出粟三百石以備賑貸時以朝廷明例授徵仕郎生於正統丙辰九  
月初十日卒於宏治癸丑八月十九日年五十六人皆悼之至今尙有  
謁其墓者厥配楊氏卽同邑知宜春縣事德宏之女也有賢行卒於宏  
治己丑十一月十九日上邇所生宣德壬子八月十五日享年七十有  
四以禮合葬本都連塘山先塋之次生子二長克慶楊氏出幼克仁姪  
庶出也皆善繼述克慶尤能濟人之急女二俱出於楊氏長適青巖劉  
景仁次適大園吳寬孫男四希盛希孟希軾希輅曾孫男七茂元茂亨  
茂貞茂仁茂禮茂英茂實俱英敏不羣嗚呼非處士積德有素其能致  
乎子孫之賢且盛哉余弟館於其家以狀乞銘余不能辭也

銘曰

福必有徵兮善必有興兮蓮塘之巖兮伊二魄所寧兮後嗣其繩



繩兮

正德七年歲次壬申冬十二月上浣

賜進士及第資政大夫南京吏部尚書前兩京祭酒太子諭德兼翰林侍讀經筵講官同修國史會稽黃珣撰

翠峯府君墓誌銘

行曾九十

大父諱瑜字廷美別號翠峯其生也稟性宏毅立志綱常嚴於家政篤於孝友聰敏好讀入泮有聲時大尹莆田吳公仲珠以文學名天下薦之應首選不意爲手毒所困後屢科不遂乃由歲貢出身初任福建清流二尹平易近民民咸懷之稱爲虞老實勒名縣碑及丁憂終制補任江西新喻惠政及下民咸德之呼爲虞外公頌聲載道以年老思歸具情大巡漁石唐公公方重其清名不允不幸遭厄寧藩守臣遣輸馬秣勞苦萬狀幾於不救可勝痛哉大母進士吳公福之女弟也賢能內



助淡薄辛勤獨成基宇克振家業心存施與惠及隣居所育二男二女  
長諱震吾伯也次諱坎吾父也庶一子諱良不壽一女姑適本縣黃格  
一女姑適東陽徐隆吾伯素性樸實好整潔愛清幽能以孝事親遇祀  
事輒悲泣和忍無爭而尋樂田園惟種植花菓自娛龐然一老叟也吾  
父質厚淳篤率意任真言辭戇直勸和解紛切於慈祥恩及貧困棺葬  
七尸存活荒佃賑穀百餘石遇有疾苦卽欲醫救服勞堂構勸儉充業  
任兄析產不較美惡撫養庶弟無異己息持公秉義心樂爲善不欺  
衡不錯錢鎚鄉評呼爲先生偉有隱逸之風時蒙郡尊陳公邑侯方公  
累請鄉飲力辭不往人皆以爲難吾伯母東陽午嶺胡氏育二子一女  
子希賢希聖女適本邑龔采繼東陽俞氏育三子希明希經希天吾母  
東陽紫金許氏一男一女男卽不肖希古女適本邑何珣繼東陽胡氏  
女適上湖何遷吾大父享年七十有七大母享年八十有二吾伯享年  
六十有九吾父享年七十有九吾伯母吾母皆中壽有賢能同大父合



葬家邊曲坵大父臨終之屬惟曰吾作家如鳥棲巢汝當思吾辛勤之苦保吾艱難之業且以後山樹木爲念懇令勿伐以傷一族風氣吾父之屬吾不願衣衾之美但修飾吾墳墓勿移散吾骸骨而已聞言至此深可悲傷爲是痛泣立碑以誌其歲月云噫不肖事親不孝守業有媿誠爲祖父罪人惟冀後之賢者報切春暉思其恩以及其親思其親以及其墓光榮培植毋廢墜圯壞此固先人之願望後嗣之孝思也尙其念哉

銘曰

生於斯墓於斯龍飛鳳舞水曲山灣流連乎華溪之水逍遙乎武岳之巖千斯年萬斯年惟冀子孫之賢以永其傳

長孫希古謹撰

封奉直大夫靜齋虞公墓誌銘

行曾九十六



義烏虞子石溪之爲秋官郎中也一日手帙示余蹙然曰此吾伯兄惟  
明中丞所次先大夫行實也先大夫之墓木且拱矣而未有銘此則不  
肖孤之罪也子何以道我乎文德慨然曰嘻是吾責也吾嘗聞公於先  
君子憲副翁矣吾趙氏之外祖母公從姑也是故先君子於公媼友也  
嘗爲予道公事德公之知使先君子而在斯銘固勿得辭也今不幸而  
往矣予何忍弗終斯志乎按狀虞氏自唐文懿公世南九世孫諱元吉  
者始東陽烏竹嶺遷居義烏之華溪至於公凡十六世焉公諱鉉字剛  
夫別號無僞居士高祖槻洪武中以辟舉授靜樂縣丞曾祖文輔祖湘  
父塊皆隱德弗仕公自弱冠入邑庠爲諸生每督學試輒首列然大比  
竟弗售宏治戊午以歲貢授廣東揭陽縣學訓導正德丁卯陞南直隸  
沛學教諭正德庚午妣方氏卒守制服除補江西上猶一日嘆曰吾爲  
儒官二十年矣猶僕僕奈何遂乞休提督軍務中丞陽明王公聞之慰  
留不得褻以端謹恬退尋命有司餞送加敬一時榮之蓋己卯歲也公



既歸華溪之上日款親朋撫兒孫課耕讀而已鄉里縉紳聞之莫不嘆慕曰完哉公平生質樸易良忠信詳慎自少恥世俗浮薄態論事動稽古訓儕輩愛而敬之性尤孝友父悞於醫終身以爲憾每誦曰人子不可以不知醫也宦揭陽時以莫能將母白於當道分俸以供滫瀡或遺諸弟曰吾祿止是耳吾情則何極也凡與人交讓美讓利一出於誠歷官三學端範崇義如一日以故凡公門下士咸公恩義至於今不衰家庭教子必以義方仲子詡知吉解二州時寓書恆以守己愛民爲訓誠性尤勤小物敦儉素居官衣或華美旣歸斥不復御歲時家人或以諱曰吾耻爲炫也其性類如此嘉靖乙未今上元子誕生覃恩海宇詔封奉直大夫解州知州如子官蓋徜徉林下十有七年矣晚沐寵恩光生晝錦人復榮之是年冬十有一月十五日考終正寢距生景泰三年十二月十四蓋享年八十有四云先配洞門黃氏繼配觀里徐氏贈宜人皆先公卒子男四人長文謙次文計次卽文詡歷陞刑部正郎次文誨



邑庠生早卒女一恭適東陽上湖呂燦孫男十有一人志喬志高志崇  
志通志道志民志達志遷志程志點志默女二順適洋塘駱彥仁璠適  
塘下金守元曾孫男十六女四人皆幼以嘉靖丁酉冬十一月附葬於  
蘭塢先塋之側嗚呼公有令名德矣亦既壽考矣而復克昌厥後人生  
若公復何憾乎是故宜銘

銘曰

於華溪之虞歷世千年而國弗如代有聞人是聖是興或畜而夏  
復而需於靜齋公福弗究於躬其敷於後也宜其腴腴

嘉靖壬寅

賜進士及第兵部車駕司郎中前翰林院編修經筵官永康程文德撰

白巖虞公夫人呂氏墓誌銘

行曾百三十六

華溪虞君文謹德之表兄也一日奉大中丞東厓翁所次先尊白巖公



狀請予墓銘予先大夫十峯翁之與白巖公表舅也使先大夫而在是  
銘固不容辭矣德敢不終先人之志乎按狀公諱銓字衡夫號白岳行  
曾百三十六姓虞氏系出唐文懿公世南之後始祖大三府君諱元吉  
自東陽徙居義烏之華溪至七世有諱復者登宋嘉定癸未進士尙書  
吏部高祖諱槻登皇明首科進士授靜樂丞曾祖父諱輔祖諱清父諱  
昌俱隱德不仕公齊家嚴肅歷履端方持己接人動有法度而不以恩  
掩義危坐終日無怠惰偃側之容與人言必依於孝弟忠信無少褻狎  
至於治生處事之方耕種蠶績之務亦皆纏纏有條理是前輩氣質  
厚惻怛無華而其謹於禮法燦然有文如此不惟大質之美抑亦昇平  
教化之餘澤衣冠文物之遺風其視今輕儇浮媚相去遠甚矣公於兄  
弟爲次自小卽任家政以故不及於學而其孝友恭敬自有大過人者  
伯兄鳳儀別駕公得以游學四方業成膺仕爲一世之聞人實白岳公  
有以相之也家業饒裕食口繁衆公經營纖密而不失大體凡春秋晨



夕之奉冠婚宴勞之需以至族姻黨友賀吉吊凶其厚往薄來之數無不稱情合禮幼無外慕足跡不入城府者數十年郡守虛谷姚公邑侯胡公楊公屢請鄉飲辭不一赴可謂聖世之逸民矣生天順癸未六月初八日卒嘉靖甲午十一月十一日享年七十有二配上湖呂氏有賢行生天順辛巳正月初四日卒嘉靖丙申九月十八日享年七十有六生四子文謹文詢文獻文諭爲太學生女一適崑山趙稠孫男十四人志榮志華志寧志賢志鼎志充志堅志浩志敬志恭志雲志虔志鈞志霖女三一適巍山太學生趙點一適崑山庠生趙祖鳳一適三峯盧堯益卜嘉靖己巳仲冬九日合葬於本里黃彈之原德以宦遊死弗及哀塋弗及執紼讀其狀不忍辭也謹敘而書之且爲之銘

銘曰

武嶽蒼蒼華水泱泱我公之德山高水長善繼善述肯構肯堂燕翼  
孫子貽謀無疆懿德卓行名聞四方勒銘於石遠而彌芳



賜進士及第文林郎翰林院編修永康眷生松溪程文德撰

正議大夫資治尹刑部右侍郎東厓虞公淑人黃氏墓誌銘行議百六

十四

東厓虞公既卒之九年其孫給事君始謁余志其墓余惟先大人少與公為雅素交好余則父事者也而公之曾孫女又適余子備在婚姻即不能雍容明盛敢不敬諾公諱守愚字惟明義烏人也鼻祖有元吉者出唐文懿公世南後曾祖潤處士祖之彝父尚禮俱以公貴會通議夫都察院右副都御史祖母朱氏母何氏俱贈太淑人少受大戴禮家貧攻苦力惇士業又數奇比補縣諸生齒駸駸長矣然試輒首諸生正德癸酉舉於鄉嘉靖癸未舉進士除嘉魚縣令以能更繁萬安縣其愛利不異嘉魚兩以去見思至今奉烝嘗而尸祝也久之徵為江西監察御史督京倉興革利病支收稱便復值隆冬奏請給贍運軍有望腹無



疥膚矣世廟時數逮言官杖之廷公亦以忤旨受杖振直聲尋巡按福建監試事得士爲多繼按南都則觀風紀咏諸帙可考云亡何進大理寺左寺丞會弟卒念太淑人春秋高乞終養終母天年起左少卿已復進都察院左僉都御史提督南贛南贛故多萑苻公設計殲其渠魁王五謝相葛老虎賴榮昌等四百餘徒而奏築黃鄉城復長沙營遷羊角水堡設巡司建諸洞社學則不佞後公數十年亦官於虔時約法俱在焉其轉右副都御史撫江西屬歲祲公愀然曰昔以長孺猶能以使民此非撫臣事耶遂疏請賑蠲於是中外鮮道殣者尋轉大理寺卿當是時信州方用事噤公嗾言者中之竟得白復南大理卿進刑部右侍郎以自陳例乃老時春秋七十矣隆慶二年會東宮覃恩進階正議大夫資治尹蓋年八十餘齒更生髮更黃之瑞徵焉三年七月初一日卒給事君請得諭祭葬如今甲從祀鄉賢余聞公甫弱冠而孤執喪如禮比塋猶饘粥骨立行服墓次三年太淑人憫而強之始返也太淑人性



嚴復好施予雖齋用不給乎然曲順弗逆又友于弟先後俸祿靡不推及焉洎家食二十年足不蹈公府燕居危坐閭內如嚴君矣宗黨有搆公爲立解其他捐施不一而足閒好著書有四書一得錄東匡文稿藏於家大都天性敦厚居官不挂巧宦之目亦不矜卓絕之節而誠心質行人以是多公長者公受室黃氏封淑人淑人嚴事姑雖貴愈益恭終日冠服禮君子如賓節訓子婦一秉內則之誠遇諸妾侍庶幾樛木之章古稱齊德非耶公生成化癸卯八月初五日享年八十有七淑人生成化癸卯十二月初三先公十一年卒享壽七十有六子男五人長子棟廣東潮州通判次良材卽給事君父贈行人司行人良桂淮府典膳良相選貢士良楨雲南安寧州同知女一適同邑大理寺丞李鶴鳴子澧州判官裕孫孫九人德煥杭州右衛鎮撫德燦德煥工科左給事中德煜太學生德燿按察司知事德熺太學生德秋德煒諸生德炳孫女十人長適東陽太學生盧堯諧次適邑人黃惟新次適余弟吳承賢



次適東陽太學生趙賢時次適東陽李時珍次適東陽蔡元科次適永  
康程章純次適金華章守諒曾孫二十一人應堂太學生應陞應陸應  
時應竣太學生應坤應陞俱縣諸生應遠應堯應垣應圻應達應嘉應  
奎應志應堦應達應曉應超應袁曾孫女九人長適余子官生大纘次  
適東陽縣諸生趙賢韶次適東陽李太守學道子縣諸生能華次適東  
陽盧洪輝次適東陽盧洪霖次適東陽盧方伯仲佃子縣諸生共閨餘  
四人俱在室元孫三國鉉國鑑國欽女二萬歷元年十二月二十七日  
合葬上華溪祖阡之原志曰以余觀厓公蓋絳侯其人哉夫其敦厚少  
文言事曾不能出口高帝以爲可屬大事卒之匡國難爭烈伊周然  
資適逢世公獨不遇漢高耳乃優遊黃髮之孫居庭下無慮三十餘曹  
卽絳侯有亞夫公有給事君天之報施厚德何如絳侯也是爲銘

銘曰

婺稠之精純良篤生鴻漸上京循理奉職惠人濟國卿貳乃涉善輔



自天元老歸田豐鑠高年令德作比聞譽斯起偕老蒙祉折拂子孫  
慶貽後昆石郎興門帝制煌煌千秋彌芳奕世彌昌

萬歷丁丑年上元吉

賜進士第資政大夫刑部尙書仕經筵前南京都察院右都御史掌院  
事兵部左侍郎奉命閱視宣大山西三鎮賜緋魚服提督南贛汀韶等  
處軍務都察院右副都御史山西道監察御史邑人吳百朋撰

中憲大夫石溪虞公墓誌銘

行謙二百六

嘉靖四十三年甲子十月朔後五日南安太守虞公卒於里第隆慶六  
年春正月三日庚申附葬於五世祖塋東側仲子志民 郎虞東厓  
狀屬予銘墓謂予屬公善也按狀公諱文詡字廷會姓 氏烏傷人系  
唐世南之後吏部遠齋嫡裔也高祖槻登國初洪武庚申進士曾祖湘  
祖瑰隱德弗仕父鈔上猶教諭誥封奉直大夫解州知州前母黃氏母



徐氏贈宜人娶昆溪武平訓導孫公蘭季女封宜人公賦性謹厚潛心  
理學御下有恩待人仁恕忠信處事有驚變詳慎周密自律甚嚴外煦  
煦內介特不可犯事父母孝行純篤教子孫恭勤儉約由家庭及宗族  
鄉黨忠愛無間建小宗祠祀四代考妣歲時慶忌祭告以禮恬澹無所  
嗜好非公事不入公門其行誼類如此髫年從父宦遊學甫冠入泮未  
期年以麟經中浙省正德庚午亞元屢試春官不第因父儻宦致政未  
伸報效甘受吉州知州下車旬日平劇盜賑饑民作興學校清理區區  
當道賢之推調解州解人多悍公始至率先儉約節省冗費無暴刑苛  
政加於民悍梗旋服晉陟南曹員外尋改比部正郎部祀詿悞左遷東  
平繼判潞安其忠勤視昔益至僉事趙希夔氏謂其寵辱不驚喜怒不  
形於色符輿論也逾年復南刑舊階隨奉命守南安時予督撫虔臺方  
以士民多難爲慮公至輕徭薄賦革弊除奸養老尊賢敦風正俗抑強  
暴表賢良值歲頻旱公屢禱屢應鼎建橋梁人未病涉首務教化士知



向方修葺城垣勉至而民賴無恐出給耕具歲歉而家獲有秋與同僚  
如兄弟視百姓如己子兩修覲典分毫無苟其清德雅操真與古之一  
介不取者同風聖天子方隆顯陟公決意謝事疏入不待報卽解去徇  
徜徉林下嘯咏泉石不聞世事者十有餘年嗚呼盛德完節福祿壽考若  
公者蓋亦難矣公生成化丙午十月初四日壽七十有九子男三長志  
道次志民增生次志程女一璠適塘下金守元孫男十有二人舜中舜  
聽舜穆俱庠生舜治舜韶舜賓舜恭舜智舜法舜澤舜咨舜相孫又三  
人秀適桂坡庠生李有介金適東陽胡朝陽曾孫十有二人曾孫又二  
人皆幼君子以爲公積德之驗云勳受志民請狀敬敘以銘

銘曰

厥培旣豐厥德旣充厥錫旣崇厥養旣隆眉壽遐福  
勛宏烈垂令名於無窮吁有是哉石溪翁也

昔



隆慶辛未仲冬

刑部尙書眷生屏后盧

勳撰

處士誠齋虞公墓誌銘

行謙三百三

義烏華溪處士曰誠齋君子孫媳虞氏大父也予自廣解組歸田君家器志雲踵門再拜曰先人沒後之萬歷癸酉十月廿九日謹依禮卜葬黃彈之原今塚木已拱塚上之石已礮而未嘗有銘實不肖孤之罪且重也願丐一言以垂不朽先人體貌秀挺隆準疎髯幼讀儒書知大義祖父奇愛之見者謂將亢其宗矣比長以代理家政遂不終業循雅飭以禮自閑其行誼不能悉計姑舉其大者言之先人事父母能孝養事二兄恭敬弟輸粟不敷竭力扶助無纖芥校後居官詣訪一無所得終怡怡如也其敦乎友愛如此願執事書之若先人言語誠信不輕議人過失不攻發人陰私訓戒子姪必以禮惟恐墮家聲失先世合德



其端於家範如此願執事書之若先人性喜樸素儉約不尙侈靡禮當  
行雖費不吝歲時祭祀必豐潔燕賓客豐約有節不簡情亦不廢禮其  
德乎大體如此願執事書之若先人用意忠厚凡遇事先人後己人有  
事相謀必殫心爲之或有爭訟必委曲解紛而賴以和息處宗族姻婭  
恩愛煦煦待鄉邨鄰里長幼踈戚有禮慶弔交際情義周至無失遺也  
其處事待物如此願執事書之若先人平生厭於塵累絕迹公門至爲  
里賦長則捐貲代完無遺慢逋負之責家貧者不復求其償嘗建祖廳  
獨力劬勞朝夕不倦落成亦不自以爲功其奉公仗義類如此願執事  
書之予與公有締姻之好弗敢以不文辭且雲之所請非誣也遂書之  
於石而繫之以銘云處士諱文獻字廷賢誠齋其號行謙三百三生於  
宏治丁巳十一月十九日卒於隆慶壬申五月十六日享年七十有六  
其先號遠齋先生者有重名於宋號清節處士者有重名於元四傳至  
會祖清祖昌父銓皆隱德弗仕母呂氏有婦道生四男子處士行第三



娶洋塘駱孝廉女生一女適三峰盧堯益納側室樓氏生二子長卽志雲次志霖孫男六人宗正宗轅宗俊宗復宗廉宗傑女三子孫堯圭三峰盧洪澤其壻也一尙幼嗚呼盛德若處士子孫繩繩若處士孰謂天道果無徵乎處士其無憾也矣

銘曰

溯其源賢哲之後考其行太古之民世之衰疇與之倫銘之石式爾後人

賜進士第亞中大夫湖廣布政司左叅政前刑科都給事中永康眷生竹峯王楷頓首拜撰

亡弟十槐墓誌銘

行謙三百六

余弟十槐君之旣逝也歷隆慶二祀黃鍾月朔長子志迪偕二弟戚然流涕懇余曰先君辱知伯父舊矣捐館幾九年愧迪等繼述靡似不足光潛德惟不孝是懼茲卜兆舉葬乞一言銘諸幽函以垂不朽余嘉其



請乃書之君諱文諱字廷正十槐其別號也姓虞氏同余出文懿公世  
南十四世孫諱元吉之後由吳寧遷義烏之華溪蓋十七世矣曾祖諱  
文達祖諱昌有賢行時以六三聖人呼之侍御東陽荷亭盧公銘其墓  
父諱銘忠信善良宛有父風俱隱德不仕族衆景慕共推入祠母同邑  
畝田樓氏若肇慶府通判諱大韶其伯考也陝西布政司理問文訓定  
州判官文諭其從弟也自少寬厚坦易讀書善記誦器堪大受奈未及  
弱冠父兄繼故弟幼姪孤早承家務弗克專學惜哉然孝友出於天性  
其在慈母側容色愉愉告面定省罔不盡嫂氏嫠居日用周旋百爲無  
累致貞節可表爲弟姪擇婚配延師督課一切應酬勞役獨身當之及  
舉業不利助之輸粟登太學孳孳以同爨爲義計衆七十餘口更時三  
十餘歲略無異心益勤幹蠱儉而不溢寬而不迫建置恒產視舊殆倍  
焉至妣謝世始與弟姪均分厥後次弟文德姪志和各拜官主簿幼弟  
文會亦能成立實君教育力也族黨有爭力爲分解費不求償疋輪催



理稱貸代納無毫毛迫人意舉姓咸德之至其接人色莊氣溫雍容和  
豫語簡理盡無不樂就之者縱有忤己他人所不堪處之恬如其風度  
闊大器局宏遠殆亦拔於流俗者乎嘉靖辛酉四月廿三日巳時卒於  
正寢距生宏治戊午四月廿八日寅時春秋六十有四娶同邑在城留  
守吏目巨川金公之仲女稟性聰明處事周密婦德母儀皆可爲法生  
於宏治戊午十月初三日亥時卒於嘉靖癸亥八月十五日酉時享年  
六十有六子男三人志迪志選志述迪選係本邑庠生女二長適東陽  
庠生巍山趙祖昭次適同邑太學生在城金文燿孫男一宗春孫女四  
尙幼十是月九日奉柩合葬於本邑大都縉雲鄉宗界之原因而銘之

銘曰

孝友之植天作其衷恢宏爾度百物可通幹厥父蠱勤儉乃濟恤寡  
撫孤守成不易以素爲履以淡爲腴平生令善綽綽有餘縉雲舊游  
樂哉斯土山川鬱紆悠悠萬古



幸溪虞氏宗譜卷之十五  
隆慶二年歲次戊辰十一月朔越九日之吉

八十六翁族兄東厓守愚撰

奉直大夫宏齋虞公墓誌銘

行讓九十五

乾自江右旋姻家虞子德煇奉其先尊宏齋公行狀謁予請銘予女適於宏齋孫應圻義不得辭謹按狀公諱良棟字子隆號宏齋姓虞氏世居義烏之華溪爲巨族系出唐文懿公世南後自元吉公卜居於茲傳七世有諱復者登宋嘉定癸未進士吏部尙書簪纓相繼及考東厓翁諱守愚登明嘉靖癸未進士南京刑部侍郎致仕進階資善大夫妣黃氏封淑人曾祖諱之彝祖諱尙禮皆贈通議大夫鄆察院右副都御史曾祖母朱氏祖母何氏皆贈淑人公積德厚倫敦義樂施氣宇端重襟懷灑脫早年積學有聲公自負其能謂功名可唾手取人亦以是期之乃竟數奇弗售祇以貢太學幕大藩歷俸七年旌異六舉陞廣東潮州



府通判撫按交薦適丁內艱未膺超擢迨終制又念父老甘終養不出外慕澹如也隆慶改元詔起舊臣於是復補廣西太平府通判奉恩詔進階大夫適缺郡守公攝守事凡一切利害當罷行者靡不悉力爲之未嘗以攝守故自苟而郡中望公亦如真守是以公雖佐郡而居守之日爲多雖職專督稅而澤之及人不獨庶獄庶愼而已夙夜勤政不避爰瘴未期以疾終於太平時隆慶二年除夕也距生宏治癸亥八月四日享年六十有六所著有宏齋詩集若干卷藏於家娶東陽樓氏有內行先公卒男一德煇國子生女五長適國子生盧堯諧次適黃惟新次適國子生蔡萬春次適副使程十峰之孫章純又次適章守諒孫男三應坤國子生應圻予壻也應堦尙幼孫女三長適吳大纘官生刑部尙書吳堯山子次適李能華知府李愛泉子隆慶庚午三月塋於義烏六都五龍塘之原乾乃序而銘曰

九卿冢嗣兩浙巨儒賦性渾厚宅心坦易明經飫史積學負奇鑣塲



六戰未展霜蹄春官北上出輔藩司片言折獄冤抑悉除潮陽別駕  
政聲遠馳內艱訃報治任遄歸終喪三載禮制靡渝椿庭斑舞軒冕  
塗泥丹書再下麗水望僊德孚士類澤遍閭閻善繼善述遐哉慶遺  
勒銘於石詔百千禩

萬歷六年戊寅仲秋吉

賜進士出身中憲大夫廣東按察司副使前江西道監察御史

眷生王乾章頓首拜撰

虞翁東野先生墓誌銘

行讓二百三  
十六

虞公諱志民字子宜號東野中憲大夫石溪翁仲子也隨祖靜齋翁任  
生於上猶學署中石翁掇科時方在襁抱資性不凡卓立自異稍長外  
就師傅喜從永康程松溪先生學業迨程及第而公亦歸遊庠增補廩  
省試者四文譽藉藉不獲一售既而侍石翁於西解於潞安於吉州佐



宣聖化隨南北兩刑曹奉揚天憲及從南安致遐邇咸歌來暮石翁四十餘年宦績悉公叅贊於其間公雖不得大展其志亦庶幾少伸其蘊矣迨石翁致仕公卽延名儒課諸子姪翩翩恂恂標榜鄉族尤能繼祖吏部遠齋翁志承叔父大司寇東厓翁命偕族賢長修譜牒立祭規造祭器充祀產前人欲行未行之事次第舉行噫公才不顯於朝而著於鄉也已所著有濟美集侍遊紀績略并詩以萬歷甲申十月十五日卒享年七十有七娶鳳山王氏最孝謹慈愛生四子穆恭知咨俱庠生孫九人純仲緯仲繡仲庠生餘尙幼其男知來告余曰先人逝久矣將以某年某月某日塋於六都裏俞西塢敢煩先生銘余曰余爲邑學生蒙翁知府科復叨翁西席領袖諸子弟銘莫如余是宜來請於余也

銘曰

鬱鬱葱葱虞翁之宮葱葱鬱鬱虞翁之宅盤旋兮還廻峯青兮沙碧幽人居兮安寧卜云吉兮允臧遙聞東翁而菟裘於斯知友能不望



春樹而停觴

賜進士第通議大夫工部右侍郎贈禮部尚書

年弟海門周汝登頓首拜撰

烈女鳳姑墓誌銘

昔韓昌黎曰事有曠百世而相感者予不自知其何心苟非當世之所  
稀曷爲使予歔歔而不可禁夫百世且相感况未及百世者乎田橫特  
一俠丈夫耳猶且歔歔而不可禁况秉天地之正氣全彝敘之貞操爲本  
族先姑乎吾族鳳姑父欲續嫁姊夫姑曰兄弟不可同婦姊妹豈可同  
夫父曰汝不聞堯以二女妻舜乎姑曰此在周公未制禮之前制禮以  
後未之有也乃密縫上下衣臨嫁而縊當時大司寇東厓公少司寇石  
溪公河源尹南坪公皆爲文以祭之僉事王公文學春溪公咸作賦詩  
以輓之縣郡司撫建亭給扁以旌之附葬祖墓五代園南側時屆寒食



卽分祭胙令近房子孫以奠之固見當時感慕之誠迨我

本朝太宗中裕皆義請享祀春秋至姊妹焉可同夫之言載在青史貞烈之名直與日月以同昭借山河而並壽百世相感豈虛語哉乃吾於此又竊有感焉夫烈女與節婦同秉松柏之性金石之操而烈女有尤難者蓋節婦誓柏舟撫孤弱他日子姓蕃昌追美前烈封塋祭奠似續無窮烈女則何所望哉生未嘗有夫妻之愛沒未嘗有鞠子之哀特抱此綱常名節之心以全其天經地義之大舍生取義云爾故吾族自宋元迄今垂七百年其間甲科累累文學綿綿而以貞烈標名史策者獨鳳姑一人遐哉尙矣余少時曾識其墓處後亦偶往祭奠之越數十年近房子孫漸稀後輩多不知墓所余往示之但見青草離離亂石鑿鑿向之塚土湮沒無存不無滄海桑田之感唏噓嗟嘆者久之因於本房金山常下捐貲同從孫光蘊枝併輩修塚立碑題曰明烈女鳳姑之墓以垂不朽酌酒獻羞以祭之并爲之銘亦百世相感之意云



銘曰

蔚蔚武巖鍾秀毓賢挺生淑女貞烈性天姊妹同夫義不續絃密縫  
襟帶玉軀是捐扶綱振紀節烈凜然煌煌性語閱久彌鮮族八百載  
貞女一焉名垂鑑史千古留傳春秋義享百世不遷墓附祖側歲遠  
漸湮荒邱隱隱塚土誰添爰立碑石於萬斯年

皆

大清乾隆六年歲在辛酉二月十二日

第六世從孫之琳識

大中大夫紹東虞公暨元配趙氏夫人合墓誌銘

行端百四十二

余家食以來閉門絕事百爾賓朋勿遑晉接也一日孫壻虞子光瀚者  
偕諸伯仲持其曾大父紹東先生宦績來謁曰將以崇正十六年二月  
十九日卜葬低林祖塋之側請片言誌石以光泉壤余辭曰余性拙雅



厭詞章兼以宦遊來筆墨久廢余何能文况公之忠誠宣著禁闥公之德澤洋溢藩省史冊碑誌已不一書亦何俟於余之載颺雖然公太夫人卽余之祖姑也余與公誼稱中表而公之冢孫承德郎樸生者束髮與余爲芸窗友太史瀾石公復與冢男姻親余冢婦又卽公之甥女戚里姻朋莫余甚也余又何敢以不文辭謹按公諱德燠字光卿別號紹東司寇東厓公仲君之季嗣也幼失怙太夫人最愛憐之然教以義方延師督課無虛日年十三卽善屬文時東厓公方巡撫江右轉大理卿便道還家見所爲文心喜云書香有繼矣十七列邑庠甲子領鄉薦辛未登進士而東厓公沒有一年惜不之見也初授大行人陞兵科給事中與從姪同榜進士江西道監察御史養純公偕侍經筵氣宇偉岸風節凜然時稱盛事焉繼轉工科左右給事遇事直言不避權貴當事以此嚴之奉勅管理節慎庫廉介無所私時大冢宰與公有夙好因囑爲伊親盜支庫銀六千兩公不允遂啣公後復以私事囑者三公槩却之



益啣公不置又奉勅查盤順天糧務及太倉倉號公一一條議具奏曰  
部不悅乃交構謀公左遷公爲揚州守公至郡適患災傷苦心措處上  
完國課下遂民生又築高郵寶應水堤濬白塔通泰揚儀等河至今利  
之乃相與置祠其側以俎豆公郡有五塘者延袤十餘里洪水漲溢往  
往爲民害前守築塍授民爲業納官價銀一萬三千餘兩公私交賴時  
有貴紳造墳於塘側欲仍開之以爲明堂聚水計借言濬以濟漕公曰  
若然則地方歲被水患無寧日更何協濟且恐視數千人令其失業乎  
乃效倣鄭公圖流民狀畫圖申白當事其議遂寢因重忤於權貴以河  
工敘績加三品俸服歷任五年陞粵西憲副中途丁太夫人艱服闋補  
湖廣辰沅兵備值苗酋唐喬奉寧等糾合六十餘寨稱兵犯順公奉勅  
勦撫德威兼濟甫至獲苗帥張好一公曰昔唐李文忠平淮蔡近王文  
成平九連皆用賊間成功吾其得志於好一乎因詳訊之張曰我俘囚  
也有死而已夫復何辭公乃親解其縛置官廨側衣食之約令還寨告



諭諸苗除首惡外苟能歸命許以更新張未之信也居月餘視之益厚待之益誠張乃嘆曰我俘囚也寧毋慮生狡軼乎而竟推置如是漸輸情實告曰苗寨險隘勢難進勦可以計取不可徒恃兵威也公乃陰授方略白督撫縱好一還寨示以禍福諸苗咸悅惟二酋難之公遂調漢土兵三千會湖貴二省官兵刻日會勦復獲安松者亦苗人與唐奉一寨相去六十里公謂松汝能誘致二酋我當貸汝松遂承命爲間公分兵設伏待之果生獲唐喬奉寧以歸其餘悉令聽撫約束已定而貴撫舒公欲盡殲諸苗以自爲功乃提兵襲擊之諸苗聞然拒戰舒公僅以身免公急引兵踵後爲援斬首二百餘級苗稍却乃遣人備告以故且諭以非公意苗皆邏拜曰我固知公長者公有命敢不欽從於是各還本寨聽就安插事聞天子嘉悅欽賞銀八兩功下兵部紀錄又有苗酋楊應龍者性黠悍與土官張承詔等交惡計奏應龍欲伺殺於途追入沅州界公曰此不軌之漸也卽發兵捕之遂獲應龍將懲以重法而當



事多爲濡忍竟從姑息優容焉未幾而楊會狂逞重費朝廷南顧之憂  
使早從公計寧非曲突徙薪之見乎已陞雲南叅政督府方有事於緬  
公畫策上陳爲同官所忌輪次進表慶賀畢遂致政而歸適本府崇正  
書院方成公告於郡守周公謀所以嘉惠後學者卽罄所得俸特買  
濟寺山田四頃餘倡先蠲助永爲闔郡公帑備修繕給廩餼八邑諸士  
咸蒙其澤焉以爲文正公之置租於茲再見乃相與具呈於學使者請  
以公崇祀鄉賢特伸報德之義公自憶生平拈一聯榜於楹間云活千  
人有封非其身者及其子德百世必嗣畸乎人者謀乎天蓋自信其功  
德之廣知後之必昌也未幾而瀾石公果聯捷舉進士官翰林名對平  
臺爲天子所簡拔諸子孫藉藉膠庠者二十餘人象賢繩武方未可量  
公之默料猶符云公生於嘉靖甲午年六月二十二日卒於萬歷戊申  
年七月廿六日享年七十有五夫人巍山趙氏生於嘉靖己丑年五月  
十六日卒於萬歷甲午年八月初六日先公歿一十五年享年六十有



六子四女一皆夫人出長應竣太學生任河南鄭州同知仲應陞廩例  
太學生兩副鄉榜以子貴贈翰林院簡討叔應垣太學生從鄧文潔李  
見羅諸先生講學江右有語錄傳以理學名世季應奎太學生女適金  
華石門光祿寺署丞倪夢申孫十四應竣出者六國鉞任四川大邑縣  
尉國鉞國鈇選江西永新縣右尹國鎰儒士國鈺國喙並庠生應陞出  
者三國鉉歲進士辛酉科乙榜任廣東龍門縣知縣陞福建泉州府別  
駕國鑑乙榜補邑廩生國鎮崇正戊辰科進士廷擢翰林院簡討應垣  
出者一國鈺邑庠生應奎出者四國鎡國鈇俱邑庠生國鏗國鎮除授  
經歷此皆余嘗讌接者也其諸森森玉立非余耄筆所能紀姑約其大  
畧如此爰僭而銘之曰

不吐不茹公忠是礪出則樹勳處復標義屹屹低林天作佳麗名德  
倚鍾億千勿替

崇正十六年



湯進士第資政大夫工部尙書加太子太保待經筵前大理寺少卿十  
常寺少卿吏部文選考功驗封稽勳四司郎中眷姪金世俊頓首拜撰

薊州同知兆蘭虞公暨元配章氏繼配商氏合葬墓誌銘

行端  
七十九

薊州同知兆蘭虞公卒其諸子伯叔季相繼歿仲子享年差永然以慎  
擇佳城鮮所當意後復以遊太學宦章贛馳驅國事卒於官故公歿二  
十餘年尙未克葬今公之諸孫某某等以是年某月日祔葬於公父宏  
齋公墓側六都五龍塘之原謁余而請銘余曰公余父執也公與堯山  
吳公愛泉李公毅軒盧公暨先大夫俱屬葭莩誼最交歡也今老成旣  
凋謝余何能知公雖然竊嘗聞諸先大夫矣其又何辭焉按公世居義  
烏之華溪姓虞氏諱德熺字安卿號兆蘭采出唐文懿公世南其始祖  
諱元吉自會稽來遷傳七世而諱復者登宋嘉定癸未進士仕至吏部  
尙書族始著高祖諱之彝曾祖諱尙禮皆贈通議大夫都察院右副都



御史高祖妣朱氏曾祖妣何氏皆贈太淑人祖諱守愚是爲東厓公嘉  
靖癸未進士累官刑部侍郎進階二品祖妣黃氏封淑人父良棟東厓  
公冢子卽宏齋公兩任廣東潮州廣西太平通判進階大夫母樓氏僅  
一子卽公也初宏齋公年踰壯未有繼嗣恆以爲憂樓夫人乃勸置側  
室有樛屈逮下之恩復爲遍禱山川夢神人告之曰汝本宜無子上帝  
以汝有寬慈德且憐汝誠特賜一佳子已而生公岐嶷特達蚤已具體  
弓冶逾冠廩於庠未幾宏齋公官潮州公攝家政旣而宏齋公以內艱  
歸終制起任太平卒於官公往返萬餘里奉櫬還而東厓公復旋卒公  
以孤子兼冢孫庶務紛撓仔肩甚鉅然不以是懈進取志時與同儕相  
淬礪分題角藝卽從兄給諫紹東公族姪御史養純公亦自謂弗如  
乃二公同掇巍科躋膺仕公猶故我遂奮然起曰昔司馬子長博聞多  
識千古莫並然猶歷龍門抵沅湘上會稽探禹穴走齊魯燕趙之邦與  
豪儁遊名山大川半經足底而文乃日進吾蟄伏此土得無來井蛙消



也京師人才淵藪其仗策往遊乎乃入太學日與名公巨儒往還商榷  
維時大司成某公謂公氣宇文章非晚近士故每課國子必列公第一  
竟以九試棘闈不利遂謁選授薊州同知兩攝玉田豐潤篆有惠政士  
民咸歌思之然未能展公驥足也遂起葺驢之興解組歸修治園圃栽  
蒔花木與紹東公暨舊知交徜徉泉石間狎魚鳥弄煙霞爲優游晚景  
之娛族有鰥寡貧乏者時加賑恤之遇歲凶則首倡義舉煮糜給米各  
盡其方利濟者衆蓋公稟性醇粹雖席勢豐盛未嘗以疾言怒氣加人  
故人亦因有以非意干者公槩勿與校恂恂若處子然鄉邑之遐邇見  
者聞者僉曰此陳太邱萬石君也其見推重蓋如此元配章氏全華大  
方伯蓉峯公女嫻內則善詩文年纔笄能於數千里外護蓉峯公靈輜  
還吊客傳車給若響應無少錯其歸于公也柔婉貞靜婦道母儀俱堪  
表式繼配商氏撫育衆子無異己出總攝內政條緒井然所謂能媿前  
徽者公生嘉靖丙申八月二十四日申時卒萬曆甲辰十二月二十三



日巳時享年七十章氏生嘉靖甲午五月二十日亥時卒隆慶庚午十月二十八日戌時享年三十有七商氏生嘉靖丁巳正月初四日卒某年月日享壽若干子四應坤以邑庠入太學娶東陽盧氏某公女應圻以府庠入太學任江西贛縣主簿娶東陽王氏卽先大夫按察副使前御史震所公女余妹也應堦邑庠生娶東陽盧氏同知毅軒公女俱章氏出應堦知印娶東陽趙氏側室曹氏出皆先後公歿女三長適本邑刑部尙書堯山公子經魁吳大纘次適東陽知府前御史愛泉公子邑廩生李能華俱章氏出又次適東陽五城兵馬司某公子太學生郭廷雍商氏出孫男九國鑪邑庠生應坤出國鐸國鑰俱邑庠生應圻出國鈞早卒國鈞邑廩生國鈞邑增廣生應堦出皆娶閩閩女不具載國鈞國鈞國鈞俱未娶應圻出孫女四其三皆適宦族應圻出一幼未適應圻生曾孫男某某俱幼

銘曰



維公世胄奕葉簪纓太邱望重萬石風醇蓋窀穸雖遲而早利後入者冥冥之祐允嗣雖歿而克振家聲者濟濟之孫此固預卜諸公之德而不僅在乎鬱鬱之佳城

中憲大夫知常德府事前刑部郎中眷姪王嘉亮頓首拜撰

文學完真虞君墓誌銘

行端七百三十九

虞君完真諱宗沐烏傷人也虞於余族世世締盟而君爲余從伯父之倩把臂有年尤悉其槩而君幼能好學卽以好義稱比冠游黌序聲聞藉起遇試無不見賞於文衡由是四方人士從遊者日益衆然所在輒相與修明濂洛之學以有志於吾鄉四先生之業非徒文學爲也而家貧無擔石之儲凡歲中所入廩餼館穀悉歸嚴君聽給諸昆季焉冢兄蚤歿寡嫂無依君竭誠盡力上奉嫂志而下訓諸孤行道未有不感歎者所遺穉女後善嫁之年近強仕始得娶琴書紡織陶然自樂而性尤



篤於孝先是君方壯時喪母夫人君寢處靈帷中足不越戶限飡粥自  
延三年哀毀骨立僅得不死卒年四十而嚴君尙在是夜余妹氏夢君  
涕泣而來再拜曰余不孝不能終事家大人且先慈未葬維子善圖之  
因與痛哭別去是何純孝不磨九泉之下猶若斯響應也古所稱性成  
之君子殆其人歟奈何天未光大其業竟奪其年又絕之嗣也余妹氏  
苦節自守朝夕視膳於舊不減君之在時比其亡則典釵買衣合葬於  
居之南五里坑塘山而以君祔其側嗚呼君亦可瞑目矣君生嘉靖壬  
戌三月廿二日申時至萬曆甲辰閏九月十七日辰時卒越十年癸丑  
十一月初六日酉時乃葬今門人郭時政議勒石其旁以誌不朽會余  
總憲閩南余妹氏以一函一倅造署而請曰唯吾兄與先夫子夙昔之  
雅貞珉之役敢望吾兄余誼不敢辭廼爲之銘

銘曰

君之業旣生無所顯又歿無所傳若是乎天之無意於斯人也乃天



之特鍾其文章德行而使之卓絕人表不可一世者又豈無意而為此哉嗚呼天蓋嗇君於百年而榮君於萬禩將千秋而後荒煙蔓草之中予名亦得藉是以不朽矣

昔

崇正九年歲次丙子仲春之吉

賜進士第大中大夫福建提刑按察司僉事廉使前奉勅整飭徽寧等處兵備江西布政使司右叅政兼按察使司僉事

眷弟盧洪珪頓首拜撰

文林郎知廣東廣州府龍門縣事姪孫國鉉頓首拜書丹

賜進士第文林郎知廣東廣州府香山縣事姪孫國鎮頓首拜題額  
吳寧門生太學生郭時政立石

孝男朝俊立



叔祖成卿公墓誌銘

行端八百三十六

叔祖成卿以順治壬辰孟冬二十有五日本邑六都郭前塘之原  
既得吉卜例書其卒葬時日以納壙中叔祖諱宗冬號繼名成卿卽其  
字也少習舉子業既長棄宿業治生以節儉羸縮卒致殷阜恂恂退讓  
遇橫暴渙忍不與較至禮範攸係黽勉爲之不辭聘三峰盧氏父堯徵  
以歲進士授吳縣縣丞卽其地往贅焉力勤克相家事生長子朝錫晚  
年再納孫氏生次子朝鑰其生也以萬歷丁丑年六月十四日午時其  
卒也以順治己丑年三月六日戌時享年七十有五長子朝錫娶東陽  
周氏次朝鑰娶東湖胡氏孫七孫女一明洙明泗明澹孫女適朱子美  
錫出明洪明澨明滿明漢鑰出元孫啓龍兆麟瑞鳳錫之子洙出明洙  
改旭臣爲邑庠生是爲銘

銘曰

首東之麓

蹲原之腹

高不侵巖

下不履濁



無騫無崩 永藏其曲

皆

順治九年歲次壬辰孟冬之吉

選貢元姪孫奕芝拜撰

叔祖母盧氏墓誌銘 行端八百三十六

叔祖母三峰盧氏之父堯薇以明經貢於廷除授南京吳縣縣丞清謹不染脂韋往贅之後笥篋蕭然無長物既歸悉節紈綺鈿簪衡琚諸服玩以治生力蠶桑躬緝織晝夜不敢怠不事觀遊即有事羣娣姒間抑抑自處未嘗疾言劇笑故卒能相夫子以有成生一子朝錫以萬歷甲申七月十七日寅時生以己未年十月二十有一日辰時卒年三十有六其始葬時崇正丁丑年十月二十有二日其改葬也順治丁酉七月十有四日午時然地不易處惟移兆耳前後俱卜浪塘塢口山側錫生子三女一明洙明泗明澗洙為邑宰生見生曾孫啓龍兆麟瑞鳳是為



銘

銘曰

始兆也以夫卜 繼營也以子續 既利既安 以為後告

昔

順治十四年歲次丁酉孟秋之吉

選貢元姪孫奕芝頓首拜撰

叔祖汝弢公墓誌銘

行靖四百九十五

維庚辰年九月二十日叔祖諱朝鉞字汝弢府君卜兆於里北王岱長

店屋後上舊穴之山原

紹

以世係知交情難忍置廼為致齋沐具辦香

扶柩於府君之壙君生四子明沂明沛明澠沛為邑庠生孫男六

光楫光榔光楠際唐光挺光槐孫女一適趙雲岑曾孫四景烈景照景

熊景烝曾孫女二俱未適而唐獨念父與如已逝水源木本未及安管



華溪虞氏先言卷之十三  
苦心力索卜葬於斯又慮夫世遠後人其究其由爰勒諸石屬紹而  
之銘思夫君之懿行固難殫述矣而紹復自慙無文將何銘以誌不  
哉憶昔君之立身方君之賦性也直而剛君之享年也壽而臧  
君之治家遺後也熾而昌有是諸行而不銘之非所以彰統緒示子孫  
也乃僭筆而銘曰維君素性慷慨殊常延賓友士勵志義皇緣屬冢子  
家務勞牽若乃樹一身之型範先孝友於門內亦任郵而睦媵年屆髦  
兮德卻而康德配張兮四傑偉然一珠耀兮蜚聲邑庠雲仍奕兮蘭桂  
齊芳紹也分雖屬乎姪孫情夙契於金蘭邇曩懷之莫逆追遺躅於當  
年君靈既厝山高水長銘以誌之百世不遷願子若孫蟄蟄繩繩覽斯  
銘也優乎見愾乎聞焉

昔

康熙歲在戊子年孟春月望日之吉

契姪孫光紹頓首拜撰



翰林院簡討瀾石虞公墓誌銘

行純六十五

憶予甲申年間晤盧允昌親翁向予言爲虞瀾石太翁卜一佳兆於渠宅西殿口之原秀美環固蓋天作也比長公親翁諱光瀚者以厝期告且持太史林可任先生所作行狀相示請爲志諸墓石余慚蹇劣何敢承受顧念與太翁奕世姻戚蓋翁祖母給諫公夫人係余祖姑而元配盧夫人爲方伯楚白翁閨愛又余從叔孝廉東望公甥女且少與太翁共事筆硯比通籍復得後先步武生平行誼節槩莫知契如余者何敢以不文辭謹按公諱國鎮字如岳瀾石其號也父諱應陸文學行誼爲郡邑冠兩試京闈皆以獲雋數奇不偶以公貴贈徵仕郎翰林院簡討母盧氏大方伯懷莘公之女光祿卿東麓公秋官大夫南宇公之妹也博通史傳賢孝著聞壽躋期願封太孺人先太夫人孕公時夢神告曰帝以汝積善以箕尾星爲汝嗣及公生而穎異孝友端凝王父紹東公撫愛特至勉之曰孺子善自勵其紹余家聲步我祖司寇公後躡年



四補邑庠時邑侯溫陵張員中先生學師曾稽陶爽齡先生俱負人  
鑒咸以公輔期之丙寅受知學憲樊致虛先生首冠多士深加贊獎  
旦夕飛騰之許果於丁卯登賢書戊辰聯舉進士筮仕廣之香山甫度  
嶺謁張曲江祠作矢志詩有金鏡高懸千古照問心何敢愧先賢之語  
香故劇邑其最可慮者濠鏡澳泊盤踞日久奸攬挾之爲崇前宰頗受  
其餌因循洪忍任其私築城堡擅置兵甲漸不可問當公受事初廟堂  
適以習火器徵輿入援遂益驕公甫下車輒峻却往時陋規申五禁且  
痛陳入援之非宜宰當事者輒具題獲諭旨中途撤回輿人爽然失恃  
因得嚴伸漢法立毀私城戢兵器奉戎索惟謹銷萌杜患爲百粵造不  
淺直指錢公首列薦剡內有英猷振起一洗地方之鋼而制禦輿事屹  
然海澨長城等語未幾而海寇劉香竊發自閩至廣環海諸邑咸被其  
毒香復孤懸海外雖宿置戍兵數千歲久而玩公至申黜怠并數人更  
約束簡練卒伍舟艦器械儲蓄事事整頓預若待嚴敵者時寇已岌岌



震隣謀知邑備禦周悉竟不犯界督撫熊公事平敘績蒙欽賞紀功焉  
先是香邑瀕海劇盜日以殍掠勒贖爲事每秋夏二穀告登時輒駕舟  
列械藉口守禾名色實則肆行搶刈莫敢向邇公至擒其宿魁馬赤保  
林亞仔等申置重典間有犯者隨發隨撲雖有奧援槩不稍徇未浹朞  
而肅然無敢肆者當詰盜伊始邑紳陰有爲居間者故作危語相怵曰  
此輩黨衆百千橫行海上公朝夕往來其間得毋戒不虞乎且前宰每  
多寬縱以樹德也公毅然曰吾奉天子命蒞此土坐視鼠輩魚肉吾民  
不能措之衽席其何以報爲民設官至意且吾懲一二人而千百人知  
警懲一二人而百千人寧息德孰厚焉吾第絕株連不使濫及無辜耳  
時有數大紳爲政府何公大宗伯李公太常卿盧公李盧二公家政謹  
肅惟何公郎稍肆公遇事裁之毋少徇時邑有子衿以少隙構之學憲  
褫其衣巾公至立爲雪復又曹生者被悍姪奪其幼產五頃餘投獻隣  
宦訐訟十餘年弗克直公至力爲追復所侵諸凡侃侃執法行意時



之海忠介然每事揆之情理其於少加大賤妨貴等事尤所深疾非  
持偏臆矯枉沽譽也諸如清屯畝以給軍政革供應以蘇里甲請廣  
額修飭學宮而士行振興捐俸賑饑運濟平糴而全活無算此皆嶺表  
諸同譜向予誦言殆未勝志比秩滿行取資望應得異等乃以不善承  
當事者不待遴試而預推部曹維時同推者二十餘人咸以介直屈於  
大僚公論囂然徵於當宁忽有召對御前考試之典面詢治廣政績及  
邊境情形敷對詳悉隨發策兵餉等事條議稱旨擢翰林院簡討隨有  
纂修武經之命蓋異數也第策內指陳切直荷眷雖隆而柄相重璫寶  
陰忌之越一二載適本邑令熊公以請蠲赦逋侵那關儲等事住俸行  
追義邑不勝苦累疊蒙撫按具題未荷部覆公爲力請於計部已得允  
蠲乃以差吏不戒爲本邑姻戚金仲君附致家書爲羅者所拾諸璫柄  
遂欲借此中傷幸前簡拔出自宸斷鑒孚有素竟弗之問然公適在伏  
枕不堪憤悻竟以是不起都中知與不知咸致惜焉蓋公敦氣誼重節



槩其於熊公初無私交特以所請蠲逋等事關梓里重困故不憚爲從  
井之救也公所著有問心草對揚錄悉燬於土氛惟所輯禮記易簡錄  
邑侯熊公爲之敘稱其淹貫博綜至今尙傳世云公生於萬曆辛卯閏  
三月初五卒崇正辛巳七月十二元配夫人盧氏封孺人自公歿持範  
整肅稱嚴君焉子三長光瀚廩生娶工部侍郎稠原金公長子官生屏  
明公女次光涵娶太學寓庸盧公女幼光溥皆邑庠生女三長適盧光  
墀次適盧光東皆庠生幼適金華給諫端公姜公季嗣姜懿孫男三長  
枝秀邑廩生次枝祜俱瀚出枝連涵出甫生十月而孤瀚撫如己子今  
長成分析毫無所私戚里咸服其誼謂不忝太史公訓範云孫女四長  
適本邑庚子孝廉李祖諫次適本邑廩生金永炘季適予次子忠需皆  
瀚出一適東邑盧士泰涵出其子親翁處允昌者卽公伯兄樸生龍門  
令公甥館其子盧君士儁係余長壻余季子忠渙今聘龍門公仲君諱  
光注長愛舊姻新特信莫余若也爰僭而爲之銘



銘曰

巖巖海邦鱷暴鯨張自公戾止束如驅羊柔遠寧邇波乃不揚民懷  
士誦徵名循良平臺明試不績對揚帝心簡在密勿待襄大厦不造  
喪此棟梁惟桑梓誼橫罹厥殃施德不報鑒在彼蒼錫茲兆域翼翼  
是允臧勗哉繼紹爾熾爾昌

賜進士出身奉政大夫尙寶司少卿前吏部主事  
中書科掌科事欽差陝西典試吳寧趙明鋒頓首拜撰

先考妣墓誌

行歷六十三

此余先考邑庠生諱光涵字本初號粹庵府君暨先妣盧氏夫人墓也  
先考生萬歷甲寅孟冬二十有七日卒於順治丙戌孟冬十有一日先  
妣生萬歷丁巳仲冬二十有一日卒於順治癸巳孟冬二十有一日時  
余年屬幼齡計八歲其齒哀號悲泣一若有知者顧先君仙逝之時余



生甫十月襁褓之中捧乳笑啼當不知其作何景狀也余得於今日之  
曆先君者賴有孀居 勅封孺人之祖母盧氏夫人撫育之恩也而先  
君得予今日之曆也亦何莫非祖母撫孤之力也耶先君生二女並長  
余爲余姊氏俱適東陽三峰盧長未于歸以壻逝執柏舟之操竟同歸  
於地下有司當道咸競獎之茲不暇列其詳次適盧士泰亦宜順克家  
璋瓦仍仍焉竊維余先君者高祖則嘉靖癸未進士刑部侍郎進階尚  
書號東厓府君曾祖則隆慶辛未進士兵工給事侍經筵歷任雲南  
叅號紹東府君父則崇正戊辰聯捷進士召對欽擢翰林院簡討潤石  
府君外太祖則東邑丙辰進士歷任廣西藩司盧號懷莘公太舅父則  
丁丑進士禮部主事建言廷杖贈光祿寺卿盧號東麓公外祖則癸丑  
進士歷任福建藩司盧號楚白公世裔姻婭歷稱赫奕予側聞先君之  
遺風一惟孝友性成溫恭淑慎其外也不較其內也無尤輿評炤著  
今不置何彼葦之冥冥顧令早逝而余之碌碌若斯耶先君一姊一



兄弟三人而馮行居次季號巨源公亦若先君之孝友惜乎其才有  
先先君而早逝也余於祖母服勞奉養養生送死以報撫育之恩者  
既孫職之稍盡矣至於雙親未厝得母子職之未修乎且予先娶東邑  
三峰盧氏卽予姑夫號旭華公之次女繼娶本邑西門童氏號伯隆公  
之次女卽今丙辰進士內閣中翰號緘庵公之姪女生男二長熙俱次  
熙偉三女曰全曰備曰完倏爾隙駒亦旣抱子而厝親大節容復歲月  
之是濡乎要之藁拚是急必協吉而始安福地心田奈山靈之不佑賴  
有從叔父號淡公者久歷山川指予一地係本邑六都土名樓馱塘爲  
予求而得之是予今日之得厝先君與先君得予今日之厝也又豈非  
淡翁之力也哉遂請地師江西豐城范五玉氏諸暨烏巖蔡伯敘氏全  
卜吉而扞焉亥龍入首作乾山巽向龍穴砂水頗堪共覩庶幾藉妥先  
靈敢曰圖福後裔然妥先靈於旣往應福後裔於將來漫爲誌

康熙二十年八月廿二日

孝男枝連百拜識



墓表

南軒處士虞公墓表

行同七  
十三

夫淳確長厚敦處之士隱約其身不顯於時儲休集祉敷遺後人昭融  
光大若宿火之傳薪焰焰弗可撲視彼蔑德冒榮沒身而已者豈不相  
懸哉處士南軒虞公蓋其人矣公諱潤字仕澤浙東烏傷華溪人唐文  
懿公世南之裔宋尚書吏部知瑞州復之八世從孫今大理卿守愚之  
曾王父也考曰文賢王考曰慶會祖王考曰梵翁世載厚德以篤其祖  
公天性孝友八九歲卽能以恭順得繼母何氏歡父年八十寢疾公垂  
老矣醫藥禱祈日皇皇夜不解帶者十餘旬父歿慟絕復蘇塋父一準  
朱子禮繼母塋亦如之忌日輒悲惋不食歲節薦獻必齋宿昧旦將事  
始祖祠壞獨出財營建割腴田以資繕葺族人相勸割田自公始祠祭  
有田值歲者治具待租之入凶歲或至廢禮公當值會年穀不登潔姓  
具物如簿正不以歲儉遂相循爲常伯兄濡遭誣繫破已貲躬自白



季弟澼資邁專心學業百需畢給澼領鄉薦始大喜曰吾親不黜  
澼卒痛哭不食者二日開館延師以訓宗黨子弟而獎其穎異給  
乏族生孤且貧并收畜教之甥舉於鄉子弟亦多有成鄉閭間皆  
知勸於學通內難諸經要奧常儲宿善藥病者輒診視投之既  
愈謝以金帛峻却無所受忿爭求直者反覆開諭至所爭物兩欲  
必得者出己物平施之歲饑飼餓人粥粟盡出首飾衣服罔糴以  
繼尋復饑貸隣里粟百餘石不責其償後屢饑屢貸終無倦意配  
龍岡王氏勗帥以義內媿德凡公之行見東陽馬君谷所狀大都  
若此三物教廢薦辟塗窮民罔勸於行當公之世時方重進士舉  
罔羅俊彥而經訓文詞非公所習公行應古者黨正鄉大夫歲  
時所書以待三年而大比者然非科目所羅故公不能致位得勢  
大行其志施止於其鄉然非有所希慕感激而爲者矣公有子五  
人希彝搏麟龍孫男三十人曾孫男四十幾人選補校官弟子者  
八人食廩者四人貢未仕者一人仕爲學訓導經歷者



三人舉進士仕者二人守隨監察御史其一爲大理君賤恩贈者二人  
大理祖父父俱階通議大夫官都察院右副都御史一人之身百年三  
世而蕃衍昌熾來者未艾其視一時榮耀赫烜者以彼易此果孰爲多  
也公生永樂甲申十一月七日卒成化丙申六月十二日王氏生永樂  
壬午十一月十一日卒景泰甲戌四月八日合葬於家北三里上華溪  
之原土塚午向塋八年而大理始生又四十年而成進士由知縣拜御  
史累擢副都御史巡撫江西以晉今職名位方隆夫君子事親孝故  
嘉其忠兄弟和故寮友信宗族鄉黨睦故黎民懷惠人謂大理君分公  
一體之氣而漸諸家庭鄉黨耳目之所濡染故能肖公之德以獲乎上  
下馴致通顯殆所謂火宿而薪傳者公自曾孫舉進士姓名旣達於天  
子在制官一品者賤恩及其曾祖由今觀之可以立俟而大理  
足顯揚致孝昔蘇東坡乞王父墓銘於同年友曾南豐謂王父行其  
而不用於世世未有發明之者故不能自見蓋大理之情如蘇而



行往往與蘓三父合德非能發明者然同年誼

表暴幽光以

思惡得以不文辭

賜進士出身中順大夫南京鴻臚寺卿前國子司業翰林編修經筵講官纂修會典泰和歐陽德撰

明鄉進士東軒虞公墓表 行同九十三

義烏登科第者先後若干人在宋為盛元次之其諸獻之文章功業皆炳烜千載歲正統辛酉先生以詩經擢浙省鄉進士第僉曰迓續先人其在斯人也先生亦以此為志屢挾所負試禮部兩登乙榜於例當授文學掾先生弗屑就乃入太學友天下豪傑益鏃礪羽括以圖其遠者大者文日以肆學日以富六館之士多之大司成李公時勉器之忠愍劉公球禮之聲譽隱隱震京師洎歷兵曹政未期歲大司馬最其才將上於冢宰擢臺諫竟以一疾卒於北都寓舍時天順丁丑六月四日也



上距所生永樂丙申十一月三日春秋四十有二明年戊寅十月某日  
權厝於本里樓竹塘山之西閱十有四載成化辛卯秋介男之鳳將卜  
是歲十二月二十四日遷葬於武巖之原祈予表諸墓予念垂髫時獲  
識先生於繡湖之上辱先生惓惓獎勵傷今感昔可以無文辭耶按狀  
先生諱濳字仕濂姓虞氏別號東軒系出唐文懿公世南後世居義烏  
之華溪八世從祖復國史吏部知瑞州其文學行誼具載郡志曾祖堯  
翁祖慶皆肥遯弗耀考文賢克勤儉而家益裕先生自幼岐嶷不凡  
貫卽善屬聲對讀小學諸書過目成誦後入邑庠受三山陳澹齋先生  
業爲舉子文下筆數千言不屬草而成每遇上司校讎往往列諸生治  
至於辨論聖賢經傳務取其大旨不事支離穿鑿爲古文詞尤汪洋圓  
麗迥異儕輩見諸歌行詩律欲追盛唐風致識者皆謂藝之六  
先生矣爲人丰度溫雅言語冲和進退有繩墨天性孝友居家能  
恠容得父母歡心及親喪結廬墳右以爲朝暮辰省待宗族一以  
偏色

附屬



相洽始祖祠歲久將圯力贊諸兄修葺率族人割肥田若干畝供  
且謂爲家之道莫先於譜牒乃蒐獲先世遺藁將重加編集竟賈  
歿所著有東軒小集藏於家配同里駱氏有坤道男四之昂之鳳之章  
之耀女二長適在城黃鐸次適上湖呂樵孫男六有本有文有聲有振  
有光有輝孫女三幼在室嗚呼吾邦道術自永樂以來不絕如綫先生  
實有志於續承矣假之以年其文章事業必不泯泯無聞也夫何蒼蒼  
者乃遽奪之而先生抱負萬一弗展於世嗚呼痛哉余因之鳳之請謹  
書其生卒履歷揭諸墓上庸俾後人得以知先生而有所感云

鄉貢進士齊山王 汶撰文

贈通議大夫都察院右副都御史懷德公墓表

行義九十

虞爲金華望族系出唐永興公蓋公後八世曰知微始自會稽遷居東  
陽之烏竹嶺其別子元吉又分居義烏之華溪元吉後七世曰復宋嘉



定癸未進士累官尙書吏部又後十一世守愚皇明嘉靖癸未進士今  
爲都察院右副都御史前此都憲嘗奉璽書提督南贛汀漳等處軍務  
威惠盛行於嶺海間及今巡撫江西值比年荒歉悉心補助民賴以全  
活者不可勝計天子嘉之會國慶覃恩遂以其官若階追贈其大父懷  
德居士大母朱氏贈淑人制書旣下都憲卽謀刻石表諸墓道於以對  
揚休命而光昭潛德於無窮以欽順粗習爲文忝來屬筆二十年相知  
之舊義不容以衰鈍辭按狀公諱彝字天倫懷德其號也曾祖諱慶  
文賢父潤世以謹厚稱公天資聰敏書過目卽成誦醫卜百藝多所通  
曉獨不信風水及浮屠之說奉庶母曲盡其愛伯兄性躁急事之惟謹  
或時遭唾罵亦怡然受之季弟嘗患疽數月乃愈周旋調護蓋無日不  
在其左右孝友之行人無間言嘗書言忠信行篤敬修身教子十字分  
綴常服襟袖間又書人非善不交物非義不取二語揭之座右其自勵  
如此教子嚴甚方爲兒童時有中夜爭論者輒起張燈危坐出而



常時一語言一舉止稍違節度必諭令速改無敢不聽歲延明師  
羣從弟子輩受業必先以己貲槩行束修之禮其後或不能償不  
嘗貸其堂弟百金初無券約一夕弟暴卒乃攜百金至以告其靈而付  
其孤里有樓姓名或誣以殺人威公直言獲解持牲醴造謝竟不受宗  
族婣友莫不服其信義娶同邑朱處士禮之女是爲淑人朱遠祖元龍  
吏部同年進士用是世相與爲婚姻淑人柔順貞雅以賢配賢交相敬  
愛誠孚妯娌化行諸婦閨門之內終歲不聞聲人皆以爲天所以昌公  
之世也子男四長尙禮追贈如公之官次尙義尙和尙恭女一適東陽  
趙浙孫男七長卽都憲守愚次守魯守德守道泉州府訓導守蒙邑庠  
生守元季守亨也公享年五十有二卒於成化乙巳後十有一年而淑  
人卒其享年視公加一紀焉合塋里之東山鑿巖爲穴事狀無一浮語  
乃都憲所自述云余觀公之爲人蓋所謂隱君子也平生所務惟在於  
修身教子未嘗苟暴乎外志向一定終始不渝其襟袖之書疑若近名



而考其事爲每每形於實踐人所以敬而信之者實之不容掩也是固無可疑者矣夫君子之澤恆漸被於數世况其近乎然則都憲之勃興其源固有所自公與淑人雖不及見而命書褒贈榮光洞徹於九原爲善之報亦信乎其不爽矣墓之有表旣以見都憲之明且仁乃其後人及其鄉人子弟亦將有以考德於旣往而胥勸於爲善豈徒然哉余是以樂爲之書而忘其文采之不足也

賜進士及第吏部尙書致仕進階榮祿大夫前經筵官國史副總戎和欽順撰

封奉直大夫靜齋虞公墓表

行會九十六

恩錫大夫吾宗伯靜齋翁諱鉞字剛夫行會九六系宋大三帝君十六世孫吏部遠齋公派也父義八三府君母方氏生質聰穎不凡自幼以善讀巧對聞心坦而性慤氣和而體潤謙言飭行動循禮度補品



學優而文日有名故宗黨婣友閑居輒以九六聖呼之言似謔而  
敬也嘗恨父沒於醫遂以餘暇兼通其術由歲貢授揭陽學訓令母老  
遠不能將白於當道分俸以資甘旨之養仲季四五視其家不時相遺  
給官寒力薄非約已縮廩篤于孝友奚贍暇及將九載陞古沛學諭以  
母憂歸制制終起復上猶學諭三任幾二十載其端已肅範恤其窮困  
教其所不逮相與以誠相接以禮未始一日怠弛故凡門下士咸佩服  
感激在上猶猶古沛也在古沛猶揭陽也忽思歸乞休上下並固留之  
時陽明王公鎮虔特往見懇辭從而嘉尚敬禮褒以端勤恬退而行蓋  
正德己卯歲也迄今士子猶追慕不已至有立祠而尸祝焉者此豈可  
作致耶記云能爲師又云盛德不能忘正此謂也翁旣歸益坦率簡澹  
惟時涉園觀稼乘風暴日或與稚知耆舊縱游劇設逍遙林石十有餘  
年止勉赴姚郡主鄉飲一行而已四男一女曰謙日記及女黃所出曰  
詡曰誨繼娶徐所出父母兄弟旣翁且順此可觀閨門之化矣詡以春



秋領正德庚午鄉薦後知吉更解陞南刑副郎遇聖上元儲覃恩封翁奉直大夫如其官蓋嘉靖乙未歲也是冬十有一月十五日翁卒於正寢距生景泰壬申年十二月十四日享壽八十有四嗚呼人生如寄令終有幾若翁福壽雙全可謂生榮沒寧者矣後副郎歷陞南安太守及奏績擬擢間迺上疏乞休荷賜歸致輿論翕然高尙之其蒞官之清慎撫民之節愛立心行己平正光明不益顯翁之懿教衍翁之積慶也哉茲以知翁深者莫如愚再四囑以表文余嘗怪夫時彥虛議過高實德或病惟翁庸言庸行慥慥並篤竊願學焉而未能也敢不敘列其踐用揚其美而昭示於來裔如是卽今太守與愚日相盤桓覓樂追襲遺芳曾元濟濟若民若點若政聰穆輩咸奮發懋修其纂服丕承以昌大其家門可立至矣德厚流光顧不取驗如信符哉

皆

嘉靖辛酉孟秋



孝姪守愚謹掇

繼志齋府君東山阡表

行曾百九

國朝錫類之典羣臣劬勞者得推榮其親生有封沒有贈上士用勅大夫用誥卿則及其祖公則及其高祖凡以砥磨天下臣子佛竭於忠與孝也浙之義烏中丞虞公守愚筮仕萬安課最擢江西道監察御史得贈繼志翁如其官階文林郎尋以澄清有聲超擢大理寺左寺丞贈翁如之階奉政大夫比以提督南贛軍務功成拜都察院右副都御史釐江右贈翁復如之階通議大夫而母氏何初封太孺人加封太宜人復贈太淑人中丞感泣錄黃命冢嗣太學生良棟告於祠焚於東山之阡復醵石以宣上恩表親懿用憲於來嗣適出撫吾吉歷安福延見郡邑吏問民疾苦凡批政飭法悉與洗刷惻惻以賑旱荒弭盜蔓暇則進諸生剖決經史疑義亶亶忘倦士民津津沐下流也守益偕諸薦紳詣



臺謝焉中丞謙讓弗居曰是匪愚之能維我先人之訓先人性敏而勤  
識高而遠志大而堅因祖父母體弱多恙甫成童卽料理家政曲意承  
順茹辛飲茶以求得二親懽人服其孝撫三弟一妹選婚擇配克謹克  
完分產取其下者人服其友手不釋卷尤喜朱子綱目覈古今事變料  
成敗奇中或言數十年前乃無爽人服其明寒家以習易不第特令愚  
習禮經守隨習春秋遂先後登第尤侃侃以立身行道爲責望人服其  
善教太淑人性嚴而行慈心小而量大慨然有丈夫之風經理內務  
族黨接姻戚課子婦咸有程式人服其勤憫貧困量力施予舉臧獲置  
比閭罔不追慕人服其惠茲幸薦拜龍光以擴未展之蘊若惠一言以  
表是覆露我虞氏而卹其孤也其先人預寵嘉之因拜手以請益拜手  
曰夫贈翁與淑人未展之蘊是在中丞擴之而已擴其孝可以奠國是  
矣擴其友可以協寮案矣擴其明可以燭吏治矣擴其教可以陶俊髦  
矣擴其勤可以理官如家矣擴其惠可以視民如傷矣異時經營



入柄台司龍岡之表且身親述之敢以鄙言爲先驅云翁諱尙禮  
夫號繼志齋享年四十有九何淑人年八十有五合葬於東山去華溪  
二里許子二人長守愚卽中丞次守魯孫男十一人良棟良材良桂良  
相良楨良校良懋良棻良樸良棊良木曾孫十人元孫二人虞氏其先  
居會稽至世南顯於貞觀間以德行正直博學文詞書翰稱五絕裔孫  
曰克文遷東陽烏竹嶺其子曰元吉始遷義烏華溪又七世曰復顯於  
宋登嘉定癸未進士嘗著遠齋告蒙及獻箴規四十餘條累官吏部尙  
書又十一世至中丞顯於嘉靖登第亦在癸未而子姓蕃碩升仕版  
宵監庠序誥誥駸駸金華稱望族焉凡虞之世維忠維孝以復公侯之  
始百爾君子過而式之尙敬憲之

嘉靖乙巳仲冬旣望

賜進士及第中順大夫南京國子監祭酒前太常寺少卿兼翰林院侍  
讀學士經筵講官歸耕石屋二洞安成鄒守益頓首拜書



通議大夫南京刑部右侍郎東厓公神道碑

行謙百六十四

夫天人之際至不爽也而或者以恢懷博度之士往往不爲法紀所宥至振事刷故尙一切操急者則稱能恆先之乃稽乎冥沕之中所降福澤考算與夫子孫逢吉又不在是是則明之所勸懲與幽之所禍福何不相符如此謂之不爽可乎然以予觀乎予師東厓先生符合矣先生諱守愚字惟明出唐虞文懿公後傳至宋由會稽徙居義烏之華溪十一世祖諱復登嘉定癸未進士累官吏部尙書而公大父彝父尙禮部以公貴贈通議大夫都察院右副都御史大母朱母何並淑人公性至孝少失怙廬墓三年事母竭力友愛兄弟不析居刻勵家學以承父志弱冠游庠正德癸酉領浙江鄉薦登嘉靖癸未進士授嘉魚令以才調萬安其令二邑也歷五年有惠政其遺愛在萬安尤久教養慈舉子愛惻怛通於四境四境之內老穉士庶無不怙恃之百姓生爲立祠曰褒德碑曰去思詳在縣志中擢監察御史督京通倉時濬會通河隸利便



鑿鑿垂永久漕艘以水漲故不能還奏恤旗軍巡按福建舉辛卯  
 士稱得人復巡應天兼刷卷清軍工務勤瘁至二匝歲始得代尋  
 畿卷食御史俸九年時世廟方精察勵治先生更歷險危艱  
 是陞大理寺左寺丞以母老乞歸養抵家母何淑人適病甫半月亡居  
 喪哀毀服闋仍左丞尋陞左少卿會卿缺先生視篆稱平陞都察院僉  
 都御史提督南贛軍務至則擒積寇王五謝相葛老虎賴榮昌等四百  
 餘人寘之法諸洞蕩平奏復長沙營築羊角堡設黃鄉保巡司  
 於今便之陞右副都御史巡撫江西時闔省大侵奏請發金穀賑貧  
 法捐復糧差以萬計民賴全活會按內時宰起廢不抵謁其家惡之改  
 大理卿尋嗾浮詆乃聽勘時宰敗復起南大理卿未幾陞南京刑部右  
 侍郎乞致仕歸休華溪草堂足不抵城市生平俸入不以自私建宗祠  
 封祖墓置田以贍親族出租以助學校道路橋梁有不便者捐己力修  
 之年八十齒髮更生隆慶改元詔進階一級以己巳七月初一日卒於



正寢享年八十有七所著有四書一得錄東厓稿奏疏若干卷有司列  
公行請於朝賜祭葬配黃氏克彰內德生成化癸卯十二月初三日卒  
於嘉靖戊午正月十六日子男五良棟通判良材贈行人良桂王府引  
禮良相選貢生良楨州同知女一適本邑李裕孫州判官孫男九德煥  
鎮撫德燦德燂進士德煜德燿德煒德煒俱太學生德秋德炳吏目女  
十人曾孫男二十一人據見在也先生躋遐齡子孫羅列膝前歲時上  
觴壽不復知世間愁疾事公鄉中語備禧完福如先生者指豈多屈哉  
予髫時辱先生以文字見知命與第四郎良相資筆硯蓋於先生心行  
顯微靡不灼灼然大抵敦倫理一以濟利爲心卽有犯者不校焉所謂  
仁人君子非歟予少負氣不自能抑先生每每詔予省克今顛毛種種  
矣雖未尺寸之建然庶幾不至戾官常則奉先生之訓烏敢忘之夫先生  
正予所謂恢懷博度者躋膺仕矣而復聚介禧祉然則天人之際爽耶  
否耶先生所過聞實燁赫他日記在國史余小子不能殫述乃舉



者樹之道傍以明於人定之說因勵世云

萬歷二年孟夏望日

賜進士資德大夫正治上卿太子少保工部尚書侍經筵食一品俸前  
吏部左右侍郎南京刑部尚書兩兼都察院左右副都御史奉勅總理  
經理河漕門生萬安朱 衡頓首撰

正議大夫資治尹大司寇東厓虞公墓表

行謙百六十四

東厓虞公往以節鎮保釐吾江土屬災沴流行遍宇內轄民艱食公義  
激於衷憂形於色披瀝流離瑣尾狀爲之疏請於朝悉蠲逋負發帑儲  
鉅萬以敷賑元元垂死復活者慮無算恩感聲載路余時甫垂髫耳趨  
庭暇時有聞則已知公之忠誠愷悌有古大臣之風矣越又三十餘年  
而公之曾孫應垣實從余學端謹好修無忝祖德時時頌言益知公之  
內行純備猷爲茂峻一切爲士難及弱冠失怙摧損過制仍廬塚側身



伴虎狼嘯呼窟者三年不輟母憐之爲毀廬撒竈乃已爲大理左丞乞  
終養母卒復過毀廬居如所以奉父者此豈士人行所常有耶筮仕尹  
嘉魚以優幹右調令江右之萬安兩皆戴其德建祠銘頌選授御史督  
京倉疏請給濟漕軍凍餒者藉活陳時政過指切被杖僅不死旋按八  
閩監其試事慎選拔號得人由左丞晉卿貳轉右僉都御史提督南贛  
汀漳軍務屬洞賊猖獗公至則選將厲兵授以策畫悉殲其渠惡王五  
謝相葛老虎賴榮昌等暫屬四百餘徒乃奏城黃鄉復營長沙遷堡  
角水而添設巡司建社學該洞以永保康靖晉副都御史撫江右惠  
澤以抗直不忍倒廩帑媚奉權貴致嗾言官橫摺謫罷歸侯勘民憤之  
事竟白名復爲南京大理卿轉刑部右侍郎以年七十禮請致仕此亦  
豈薦紳中宦蹟所常有耶雍容邱壑間又二十餘年養恬謹禮蔚然士  
範始祖及禰並建祠崇報至外父祖亦爲之置蒸嘗助祀性友愛悉以  
業之腴者讓弟而取其瘠道路橋梁煢獨孤寡捐貲齊助者善尤



一二紀如公豈獨有大臣之風假令得遊於洙泗之庭蓋直可與  
行之選矣公雖歿而公之孫德燭復由進士起家濟厥美官方  
名流而曾孫垣又復嗜學如此仁人有後其信然哉公薨在隆慶己巳  
欽賜名山遣官諭祭窀穸之銘必有鴻筆鉅儒能列公猷行而著之不  
泯者而予特樂於頌美盛且幸托於世講之愛也故爲揭其大者表出  
屬公會孫鐫之貞珉建之墓隧以昭示罔極公名守愚字惟明東厓其  
別號也中嘉靖癸未進士諸已載誌銘者此不具云

萬歷三十年歲次壬寅正月元日

賜進士第鄖陽巡撫豫章見羅李材頓首拜撰

明東山虞先生偕配孫氏夫人墓表

行謙二百三十三

先生諱文誨字廷忠號東山居士義烏華溪世族高祖輔皇明首科進  
士仲規氏冢子也曾祖湘祖塊隱德弗仕父鈇號靜齋上猶學諭封奉



直大夫母徐氏贈宜人先生有美質聰慧穎敏教之學循循有造靜齋  
初授廣東揭陽學訓先生與仲兄石溪翁同侍學業日進遣從潮郡鄭  
先生游授春秋講明傳義與旨四書諸史通徹貫悉肄舉子文藝合矩  
度人咸以二難科目士期之比歸正德庚午石溪翁果掄浙省亞魁先  
生於癸酉選補邑博弟子自丙子至辛卯宗師汪公劉公林公大叅祝  
公屢試首列五入鄉闈弗遂厥志先生惟安義命未嘗戚戚見顏面力  
學餘功授徒講學不廢平生慷慨梗直不容人過事親以孝處兄弟  
和待宗族親戚恭敬無間不茹柔不吐剛先生有焉是宜享遐祉於無  
疆也歲嘉靖癸巳五月朔得微疾越十日遽卒邑大夫師友甚憫恤之  
鄉人無親疎莫不傷其不幸也娶東陽孫氏道學覺齋先生幼女石臺  
畸人妹也生有淑行無嫉妬治家勤儉閨門嚴肅相夫子三十年稱未  
亡人者二十年課二子業儒長志點次志默俱爲邑庠生孫男四子魚  
舜賢舜揚舜田郡學生女二一適泮塘朱洵一適桂坡李時旦曾



三時仲慎仲衍仲女三在室以嘉靖癸未九月望日奉柩合葬六  
巖婁祝塘東茲墓木已拱矣吾郡伯石溪翁一日持族兄大中  
翁狀請書墓予復何辭東厓謂天道遠人道邇挾策如弟者衆矣卒達  
焉弟弗一遇且困頓以死果天道無知乎信然哉嗚呼東山久處約不  
伎不求於人聲利澹如使天假以年樹立必有可觀詎四十五而卒惜  
哉石溪翁再拜謝曰吾弟死而不死在茲也已

皆

大明嘉靖庚戌秋九月既望

賜進士第通議大夫資治尹刑部右侍郎致仕前都察院右副都御史  
奉勅總督漕運巡撫山東畿大庾雪臺劉節拜撰



壙記

修復祥十府君壙記

府君姓虞氏諱邦強行第十第四世四府君之仲子華溪中下二房乃其嫡派也歷宋迄明歲代久遠墓兆失傳祀典缺畧正德間因獲石碑於西張塘表與府君之行同就而悞祭者五十餘年今歲仲春望日檢閱古譜乃知府君已下三世俱葬道岸之原是日克喬大隆必允希甚等同抵道岸訪求遺踪有舊塚與譜文相符值思恭諸父墳墓相近仲倡義遂捐貲勒碑樹墓重修祭臺闊一丈八尺深一丈四尺拜壇二級長各四丈深各一丈墳禁四圍各一丈二尺每歲清明率墓下子孫祭掃於此以興嗣歲焉維時鳩工董役者思孝思悌思敘思唐思睿思安思正姪邦靖皆府君第十四世孫也

隆慶壬申三月望日

第十三世孫湖廣楚府教授守蒙撰



河源縣知縣克岳 漳州府經歷希范

新昌縣知縣思恭 工科給事中德睦

真定府推官懷忠 同立石



千三十府君壙記

先君姓虞諱嗣輔字仲嘉世居婺之義烏曾大父亨大父靖父邗佐沾  
恩授迪功郎先君先娶樓氏男一人洽早卒再娶徐氏男二長沈早  
幼即湛也女二人適進士徐祐徐楔孫男一人孫女一人俱未聘早  
君生於紹興丁丑十二月十五日資稟純粹操履端凝事親睦族一出  
於誠其於與人交不詭不激有和氣而無慢容鄉里沛然歸重嘉定壬  
午六月十四日遽以疾終於家豈命也耶實湛不孝之所致也妣陳氏  
先千年而逝卜地於縉雲鄉潢山之原湛忍死以紹定辛卯臘月癸酉  
舉先君之柩與妣合葬焉湛不敢以子譽其父姑書大畧以納諸壙至



於發揚潛德又將乞銘於名世之君子不孝孤湛泣血拜書  
朝散大夫兼管內勸農事賜紫金魚袋翹希似書諱

吏部遠齋府君壙記

行百十九

有宋開慶元年歲在己未十有二月十三日辛亥我先考朝請大夫寧  
國府太守修史尙書吏部歿於家之正寢明年十月丁酉孤子璞忍死  
奉柩葬於邑之龍祈鄉溪西之原泣血誌諸幽曰先考姓虞諱復字  
道婺之義烏人曾祖諱靖祖諱默父諱泐贈朝議大夫妣莆陽陳氏實  
元祐名臣寶文閣待制諫議公之曾孫女先考生於淳熙戊申五月朔  
丙申嘉定癸未絲太學登進士第授迪功郎主南康軍都昌縣尉今上  
卽位授修職郎秩滿辟監臨安府楊村酒庫慈明宮慶壽授儒林郎紹  
定六年擢主管戶部架閣文字端平二年差浙東常平司幹官三年改  
秩通直郎八月差浙西安撫司幹官未赴還爲掌故嘉熙元年除



令遷武學諭再遷宗正寺主簿兼壯文府教授歷太常博士知入  
丞十二月差知信州裘滿除都官郎官不上淳熙三年主管台州崇道  
觀六年差知興化軍不赴主管華州雲臺觀寶祐二年差知桂楊軍節  
制屯戍軍馬提舉義丁明年將陞辭除尙書金部郎官轉朝奉大夫明  
年兼國史院編修官實錄院檢討官六月改除尙書右郎官明年四月  
進呈中興國史竣事力祈外補詔授知寧國府服紫章服修史恩進次  
開慶元年改知瑞州勅未下十二月以疾謝事積階至朝請大夫以  
嗚呼尙忍言哉惟我先考德粹行方學問皆自得性至孝終老孺慕  
及父母輒涕泗滂集族有喪雖卑行必素服蔬食哭盡哀恤貧撫孤唯  
恨力之不足延師以教族之子弟期於有成居官廉勤明敏不可干以  
私鑒裁精審取人先器識其執衡大學參典貢舉咸得人爲哀然首今  
多顯聞於人立朝奏疏懇惻思以感悟君心初進緝熙殿四十八規天  
語嘉獎出以示宰輔且錄本留御几以便乙覽然無所於就故與時忤



棲遲東巖幾廿載書尺絕於貴要之門家雖屢不殖燕居之室扁曰遠齋讀書其間取經子史百家及本朝羣賢之言行有益於修身養性者筆之於冊附以所見凡六十卷合四十餘萬言名曰成己集著告蒙一卷教子又著教忠集方百數十條竟絕筆痛哉平生雜著多不留藁今哀集幾廿卷疾革有遺占三紙微見所學之定力及書古人語以教子詠詩兩句雪中談笑春風好臨死家庭日月長不及他事旣而以屬遺澤官姪璧時大雪命亟春儋石儲以惠鄉民促其湯澡浴曰吾天明即行厥明衣冠起坐有頃就枕長逝矣享年七十有二嗚呼我先考懷材蓄學雖不獲大用然亦未爲不遇知於明時方掌帝籍迨丞司宗屢被褒論有曰文章皆韶濩之聲德行若圭璋之粹有曰學問精深詞章炳蔚有曰學殖有蕃履行無玷歷官所至賢聞宜昭起家司珍則曰姤節修名安恬表兢遷而典選則曰學問該洽識見老成儀於郎潛等有禮譽金幣出入豈足以溷清流領麾以出則又曰根深之學經遠之



尺九流喜得一佳吏部矣顧民亦勞止輟而執筆往牧清源高爽之  
以厚培公卿之望凡是皆馨實之不可揜者娶吳氏封安人前十年卒  
贈宜人葬同城子男二人琮國子發解進士早世璞將仕郎孫男磐幼  
亡女禮二娘許適同年進士起居舍人龔公應之子登仕郎仁靜案制  
合墓道當有碑亡彙次行實乞銘於太子詹事葉公夢鼎先事畧敘歷  
官之歲月平生之事業刻而藏諸幽昊天罔極不知所云

孤哀子璞泣血謹誌

表弟宣教郎知吉州太和縣主官勸農公事兼軍正呂開先填諱

重修吏部尚書遠齋公墓記

行百十九

宋尚書遠齋府君諱復字從道姓虞氏其先采出唐文懿公世南之後  
始祖大三府君諱元吉自會稽徙居義烏之華溪六世而生吏部府君  
持紹熙戊申五月朔也登嘉定癸未進士積階朝請大夫著成己集及



告蒙告忠集以教氏族上緝熙殿四十八規理宗嘉獎書諸御座開慶  
己未十二月十三日卒明年十月丁酉與夫人吳氏合葬於邑之十都  
龍祈鄉溪西之原府君之才學德位郡縣誌之宋丞相葉夢鼎銘之將  
仕郎子璞誌諸壙者詳矣茲奚容言哉抑考府君之後無繼華躡益以  
邱隴阻遠永樂間施氏徙居墓側生聚日繁弗利吾墓之相向也歲時  
致祭者爲其暴逐由是人跡罕及肆削無忌平墓毀碑向之華表石柱  
碑文饗亭道院諸創制無復存者嘉靖乙未之春舉絕興廢新祠表墓  
乃大慨於我吏部府君統承道學振起斯文於宋爲名臣於昭代爲先  
賢於華溪爲烈祖而邱墓不封可乎迺訴縣司乃訴於朝迄五年始復  
山地之隱於豪右者約一畝六分基地三間以奉祭掃旣而當事者後  
先繼故又閱三十餘年隆慶改元施人仍復盜塋又愬之縣而俾其徙  
去焉乃始封其塋窆碁之以石樹豐碑立華表創祀宇置祭規彬彬乎  
越於前而垂於後千萬載永孚於休矣嗚呼府君之生真才潔履受知



於君矣爲忌者所尼而不能一日安於朝廷其返真於幽壤也  
伐而二魄不寧於蒿里有人心者得無痛恨已乎不忍言也因述  
刻石識歲月而納之於幽云

皆

隆慶三年八月壬寅朔

十一世孫守愚謹誌

賜進士第刑部左侍郎同邑眷生堯山吳百朋填諱

從政郎餘姚縣丞虞公壙記

萬八十二  
原行仁一

先兄姓虞諱璧字德圓世爲婺之義烏人曾祖諱默祖諱泃贈朝請大  
夫祖妣陳氏贈恭人父諱益妣張氏先兄生於嘉定癸酉閏九月己巳  
資稟質直寡言笑謹威儀不妄取予見者知其爲吉人心思精密結廬  
治生人莫窺其涯涘家事苟完裕如也自號旨齋寶祐丁巳先君絲尚



書郎懷宣城郡符東歸越明年屬疾呼璞曰吾與汝伯皆單傳遺澤以  
官而兄吾志也璞敬遵治命奏上得旨補將仕郎次年授銓法授迪功  
郎慶元府昌國縣主簿兼尉環邑皆海符委繁沓屢涉鯨波雖勞不憚  
所至凡以利言皆却弗受丞相信國葉公自叅豫來建閩雅念契家子  
且知兄才俛兼翁山酒庫旬月而辦咸淳登極覃霈循修職郎前涉海  
勞格轉從政郎再調紹興路餘姚縣丞俄得疾卒於正寢實壬申五月  
戊辰也享年六十娶梁氏持家撫孤甚得母道子男二長鏞次鉞遭命  
鉞爲長兄穎後兄卒後三年得卜於樓塘之原將以德祐乙亥十月廿  
未窆焉日薄其孤未能丐銘於當世鉅公璞敬書歲月於壙石不勝孔  
懷之悲云

弟璞謹誌

宣教郎知婺州路義烏縣主管勸農公事兼軍正趙與住填諱



清節處士虞公壙記

禮六十一  
原行智一

先君諱如壘字伯和姓虞氏世居義烏之華溪高祖諱泐贈朝議大夫少師魯國喬文惠公銘其墓曾祖諱益晦德不仕曾叔祖諱復嘉定癸未進士由尚書右郎官遷知瑞州積階朝議大夫祖諱璧用曾叔祖致仕澤入官終從政郎餘姚縣丞父諱鏌母俞氏贈中散大夫葆光五世孫女惟虞氏世業儒先君師事鄉先生王公爰澤與今內翰黃公潛為友學問淵源多所開發克有令聞以紹先軌然雅志隱遯不屑與時沉大德間用薦者署永嘉縣學教諭不赴延祐初科舉法行有司舉遺就試以親老辭後至元三年或以名聞於集賢而昇清節處士之號先君平居寡言笑重然諾治家內外有法督子弟預辦租賦不使以門戶事煩官府宗族有失學者親為訓誨貧不能自存者則節衣食以周濟之至於處鄉儉謙以和取予之間壹揆諸義杜門却掃日游心於書史以自娛人謂宜享上壽不意一疾而遽不起嗚呼痛哉先君生於至元



十五年十一月一日卒於至正十年六月五日享年七十有三娶劉氏  
知雷州閣舍士龍從曾孫女子男二人長實夫次寬夫先七年卒女二  
人適王正平方逢震孫男六人榕楸枋楸櫟女一人楣曾孫男一人  
士恭初先君與先叔父如篋篤于友愛嘗曰生而同胞死當同穴叔父  
以至正三年正月二十四日卒五年十一月二十七日塗於縉雲鄉樓  
塘山先墓之次去家三里而近至時實夫等忍死卜以十二年十一月  
二十一日奉先君之柩合葬焉遵治命也先君之潛德逸行葬宜有  
而未遑請於立言之君子姑敘此梗槩刻石納諸幽堂嗚呼痛哉孤哀  
子實夫泣血謹誌

中奉大夫前翰林侍講學士知制誥同修國史同知經筵事

眷生黃潛填諱

西齋處士虞公壙記

原六十九  
原行信四



先君諱實夫字景溫姓虞氏人稱之曰西齋處士世居金華義烏之  
溪爲郡右族其先出於唐永興郡公世南之後六世祖諱泐宋贈朝議  
大夫魯國喬文惠公銘其墓高祖諱益晦德不仕高叔祖諱復登嘉定  
癸未進士第累遷至尙書右郎官乞知瑞州得謝積階朝議大夫曾祖  
諱璧用瑞州遺澤入官終於從政郎餘姚縣丞祖諱鏌亦不仕父諱如  
塤與元內翰黃文獻公潛爲友母劉氏知雷州合舍士龍從曾孫女生  
君生於大德乙巳自幼聰敏通習經書比長師事鄉先生陳公敬之講  
明玩索得其歸趣爲人溫和慈遜治家儉而有禮直而有容事親篤孝  
先祖有疾逾月不解帶湯藥必嘗而後進及先祖歿喪葬皆盡禮有弟  
寬夫先三十九年卒時予孤姪攄方六歲撫字優渥以及成人宗族有  
喪親貧無塋地者輒與之待鄉里謙以和或因產業致競者則畀己業  
以平之歲課子弟預辦租賦母令後時家產素薄而篤於教子嘗遣二  
子櫛櫛負笈從長史朱伯清氏游以私淑許文懿公之學戊戌之冬金



華始附鄉里老穉避兵奔竄先君憂勞成疾語子弟曰兵至而無人逐之吾境必爲焦礫矣曷若候其帥以理論之帥至坐定語以國家大體務在安民帥然其言秋毫無犯尤謹於奉先每歎朱子家禮首著祠堂之制而習俗莫之克舉乃悉按其規制度基具材剝祠爲堂立四龕以奉先世神主崇報本也又於東偏立一室以祀瑞州府君尊有德也晚年目雖頗眩而精力愈強賓至相攜竹樹間談笑賦詩徜徉竟日熙熙自得自得有浴沂之遺意蓋天性也好爲五七言詩然多不畱藁僅存若干首藏於家洪武十四年二月二十八日晨起盥漱畢忽復就寢命榕等視手足曰吾今免矣遂瞑目而逝享年七十有七識與不識聞者莫不流涕娶同邑屏山劉氏子男四人榕橈枋槻而槻以洪武庚申應詔赴選舉進士授靜樂縣丞辭疾不赴以五月一日卒於京師孫男六人輯輦輔轄轅軻女三人靜奴適屏山劉真保定奴許東陽陳文珪未行淑奴未笄曾孫思漢榕等恐死以十七年十一月廿二日丙辰卜地



華溪虞山宗言  
修仁里華溪之西原塋日薄未能乞銘於立言君子圖其不朽謹用  
我先君之積德貽後者刻諸誌石垂示無窮庶來者有攷焉嗚呼痛哉

孤子榕等泣血謹誌

奉議大夫楚府長史前國史院編修眷生朱廉填諱

隱君虞叔佐墓記

行會五十七

君諱文輔字叔佐姓虞氏其先由餘姚徙婺之東陽後有諱元吉者復  
自東陽遷義烏之華溪遂爲義烏人也元吉七世孫兄弟曰益曰從從  
國史吏部知瑞州益不仕生子璧仕餘姚縣丞璧生鏌乃君之高祖也  
曾祖如壘讀書尙禮與黃文獻公潛相友善祖實<sub>六</sub>韜韞弗顯考槻洪  
武間應詔授靜樂縣丞未之任而卒君自少儻旣冠當時變勢殊悒  
悒不得志縮首衡門者十餘載及行誼益修鄉人欽之然後發於言語  
閭里靡不服其正直往往有爭訟者不直於官惟君言是直君一言之



頃能使怨釋忿消無不充所欲而去永樂初細民迫於征賦流竄者衆  
君力加撫恤里人逮今頌之歲癸巳凶發餘粟以活不能生者若干人  
姑蘇李公玉由侍御出宰是邑至則聞君賢乃延至公庭諏訪民瘼凡  
君所言靡有不當其意適朝廷命造海舶或者難之君卽領其事爲千  
夫長趨事唯謹不數月事竣自此聲譽益著達官碩士咸川禮貌雖居  
山谷間長者車馬時闐門巷其爲人讀書明理義識大體處心坦夷剛  
介無少阿曲家庭間內外禮度嚴肅春秋祭祀誠敬先之子姓靡敢斯  
須違禮遠近聞其名者識與不識皆稱其爲善人云生洪武癸丑正月  
十五日卒永樂辛丑十二月八日得年四十有九以禮葬於樓塘山之  
原娶同里傅氏男三湘涓潤孫男七瑜瓊昌昂璿瑰珊女四曾孫男一  
十九人嗚呼夫以君之才之德見諸施爲奚往不可竟弗獲沾一命於  
當時使其平生蘊蓄但及於一家一里而天下國家莫被其澤可慨也  
夫其男涓等旣治塋蓋亦有年矣一日過予僑寓泣曰吾先人行誼



足以傳世者未能爲不朽之圖實不肖孤之不孝也幸先生俯惠  
庶幾先人之潛德少賴昭揭予憫其情乃執筆書其世系生平履履大  
略爲君之墓記前鄉貢進士義烏縣儒學教諭致仕三山陳得安撰

處士季長先兄壙記

行同十七

處士諱滾字季長姓虞氏居義烏之華溪號稱詩禮衣冠舊族高祖諱  
樞會祖諱訓翁祖諱瑋考諱嵩皆積德累仁弗耀於世母李氏克盡婦  
道處士生於洪武戊午二月二十日自幼稟質厚重不逐羣兒嬉戲  
長克理家政伯兄早亡子子維持門戶不致少墜先失怙事母克孝逮  
老弗衰待乃弟尤友愛舊廬悉讓與之及弟歿撫諸姪成立不啻若己  
出處室家甚有禮無斯須褻狎待媼賤以慈愛未嘗少加詈辱接宗族  
以和睦爲先應酬鄉曲間寧人侮己未嘗侮人家素饒善周急拯危畧  
無德色嘗進子姓訓曰吾生平勿掛名罪籍者能守本分故也汝輩當



知之處士爲人德性溫良舉動濟楚服御不尙華侈忿語惡言不發諸  
口惟恂恂信實以謙卑自持人皆稱其爲忠厚長者云正統乙丑八月  
六日以疾卒於正寢享年六十有八配宗氏後一年卒男二初補女一  
適東陽孫某孫男八紹紳純逢春逢寅逢瑜逢時逢辰孫女二幼在室  
嗚呼處世若此可謂無愧於中者也厥男初將卜於本里西村之原未  
能請銘於詞林宗工而余爲同宗兄弟可容無言耶於是書其世系生  
卒與夫立身大畧納諸幽壤云

從弟濳謹誌

東軒府君壙記

行同九十三

先君諱濳初字彥澄後改仕濂別號東軒姓虞氏婺之義烏人曾祖諱  
堯翁祖諱物慶父諱文賢母何氏先君生永樂丙申十一月三日自幼  
言動嬉戲與羣兒殊作對輒有聲律讀書每過目成誦鄉先生皆異之  
年十六補邑庠生游三山陳得安先生門歲偕前輩試藝往往推爲



登正統辛酉領浙省鄉薦屢試春闈皆弗偶乃入太學益加勵  
先生莫不器重尤以詩得名四方賢達樂於相親諸縉紳多下車訪問  
凡見先君詩文莫不曰文獻邦士也名動京師者餘十祀天順丁丑就  
大司馬論才者三十七人先君首之乃升諸天官將擢臺諫任意以一  
病終於京師矣時天順丁丑六月四日也之鳳奉歸權塋於樓竹塘山  
之西茲卜成化辛卯十二月二十四日徙塋武巖山下嚮文筆峯先  
爲人天資穎悟志趣高邁篤行孝弟修整家法幼得父心至壯弗替專  
二兄甚弟近宗兄弟不能塋者量力周之每遇族人喪哭之亦盡哀禮  
父母墓側又建庵舍展省度地正寢東欲成家廟以奉六宗祖考以政  
涉南北未果嘗勸諸伯父割舊分絕宗田若干畝輪收以供祭祀力贊  
族中諸兄弟重整始祖前祠三間助田若干畝歲儲其租以備修葺付  
族中幹才者以掌出入思譜牒失傳力訪先世舊帙一冊將欲編輯後  
竟賈志而歿平居議論每欲奏均田限田之法使人皆有常產也男四



人長之昂次卽之鳳又次之章之耀女二長適在城黃鐸幼適東陽上湖呂樵孫男六有本有文有聲有振有光有耀嗚呼先君居家以一家事爲己任居族以一族事爲己任少假之以年其德行功業又烏量耶嗚呼痛哉介男之鳳泣血謹誌

處士武峯公壙記

行義五十四

先君諱之安字叔安姓虞氏別號武峰其先餘姚人自唐文懿公世而下一遷東陽再遷義烏之華溪族望鄉邦所稱曾大父諱物慶大父諱文明考諱澣俱不仕妣龔氏爲邑松門人先君生而人物瑰偉稟性寬和早自卓立而接物有恩義幼失怙恃鞠於祖父母文明府君與陳氏安人其祖父母自謂三世一身鍾愛之不異隋珠趙璧稍長遣就外傅以教以養皆有法度而先君亦知形勢孤立事祖父母如事父母慈孝兩得爲宗族所稱其於事長之悌尤篤或有侵負輒弗與較年二十



五卽能樹立家業軒然有爲衆議始祖祠圮先君能出己力以修  
田微薄能抽己田以助之凡於宗族戚里憂弔懽慶禮節往來無所敢  
失是以人無貴賤無小大而皆悅之鄉隣有鬪卽往救之其人往往有  
不直於官而求直於先君者平生行事大率皆類此惜乎不假歲月而  
終人共哀之生於永樂辛丑十月二十三日其卒卽成化丙戌六月二  
十八日也年四十六娶在城西門王氏女德閨門表則生於永樂丁酉  
正月初九日卒宏治壬戌十月十八日年八十六子男五人仲俊仲傑  
仲儀仲信仲倫女一人繡適青巖劉璉孫男十六人大鵬大驥大賓大  
驛大儒大智大用大章大本大夏大騮大和大年大臯大驄大定大臯  
補邑庠生女九人傅彪杜杞徐琦劉俊何濂王章劉景和樓極其壻也  
一幼未納聘會孫男十五人或冠或幼女四人俱在室嗚呼先君歿旣  
三十有八年而母氏歿期以是歲之臘月吉日合葬於本里西金山嗚  
呼仲俊不天時以吾母在堂蹉跎歲月竟忘誌表於石茲奉吾母合壙



謹以序次其生平行事之實以納諸幽餘俟丐銘若傳於立言君子云

孤哀子仲俊泣血謹誌

文林郎江西道監察御史東陽盧格填諱

節夫處士壙記

行曾百九

吾弟諱尙禮字節夫姓虞氏世爲義烏華溪人曾祖諱文賢祖諱潤父諱之彝俱隱德不仕母朱氏同邑蟠溪人吾弟天性勤敏早知繼述不能名事父母安於養撫諸弟篤於愛御宗族待鄉里俱有禮意與凡家事巨細門戶支給一皆區畫有方而廬畝之業益增矣惜乎年未及艾賈志以沒臨沒援二子之手囑之曰父子之情止於朝夕汝讀書者務思成名治家者務思成立吾死目瞑矣是以見聞咸爲隕涕生於景泰乙亥三月廿四日卒於宏治癸丑五月十一日年四十九是歲十一某日窆於本里趙家塢考之墓右娶漫溪何氏子曰守愚守魯守



爲邑庠廩膳生以待世用守魯善理家室孫男四良棟良材良木  
俱在童幼嗚呼吾弟爲人如此軒軒然人稱爲虞氏之有克家子者無  
間言臨歿拳拳以告戒二子爲念天性之發皆出自然是又可哀也塋  
日薄故予姑爲序其生平梗槩以納諸幽尙有以俟大人君子憐而賜  
之銘幸甚

皆

宏治癸丑十月初八日

從兄巒泣誌并書并

贈奉政大夫大理寺左寺丞繼志虞公太宜人何氏壙記

行會  
百九

吾父諱尙禮字節夫號繼志姓虞氏世居義烏之華溪曾祖諱文賢祖  
諱潤父諱之彝俱隱德不仕母朱氏同邑蟠溪人吾父孝友勤敏自幼  
成立至強艾弗弛處父母昆弟及族黨姻友皆情禮周悉無間言其經



畧家事皆洪遠可以裕後論度古今事體皆允當有以服人尙多病不  
究所學恆以弗承先志爲懼故以繼志爲別號宏治癸酉五月十一日  
病革乃囑愚與魯曰人孰不死但得汝兄弟能勤讀書理家用廣吾志  
則吾將含笑地下矣語畢而卒享年止四十九而心可勝痛哉吾母同  
里潏溪何氏生於景泰甲戌十一月初二日體順性嚴其才識襟度綽  
有丈夫志量相父教孤家聲由振嘉靖戊戌正月三日以疾卒於正寢  
享壽八十有五男二長卽守愚以禮經中嘉靖癸未進士歷知縣擢御  
史及大理寺左寺丞前贈吾父文林郎江西道監察御史加贈奉政大  
夫大理寺左寺丞前封吾母太孺人加封太宜人次男守魯勤儉克家  
與愚同爨三十年先吾母四年而卒孫男十一人良棟良材俱國子生  
良桂引禮舍人良相由選貢入監不幸今秋以疾卒良懋生員良棻習  
舉業其良樸良棐良校良木俱頗有知覺孫女一適本邑大理寺寺丞  
前兵科左給事李鶴鳴次男名裕孫者亦係國子生曾孫男九德修



燦德燭德煜德耀德輝德熺德勳德煒曾孫女四俱在室嗚呼  
於東山祖墓之西三十六年矣今將歸吾母以合葬也孤負教育多勞  
之德不能推先志以追尸素於官若併其遺行遺訓而忘之則罪尤甚  
矣用敢泣血勒識以納諸幽其有不能盡者幸勅誥天錫既彰諸  
矣儻愚未卽死尙求鉅公名筆備錄以垂不朽

嘉靖十七年十二月望日

孤哀子守愚泣血謹誌

中憲大夫石溪府君壙記

行謙二百六

大明嘉靖四十三年歲在甲子十月六日我先考中憲大夫沒於正寢  
隆慶六年春正月三日庚申孤子志道恐死奉柩葬於本都駱婆墓第  
五世祖十一府君墳東泣血誌諸幽曰先考姓虞諱文詡字廷會號石  
溪婺之義烏人高祖諱槻登洪武進士曾祖諱瑰父諱鈺上猶教諭封



奉直大夫解州知州前母黃氏母徐氏贈宜人妣娶東陽崑溪武平教諭孫公蘭季女封宜人先考生於成化丙午十月初四日幼受麟經於侍御芝巖伯父正德庚午中浙省亞魁嘉靖己丑授山西吉州知州調解州知州陞南京刑部員外郎丁父憂服闋改北部員外郎郎中爲失陪祀謫東平州同知陞潞安府通判復南部員外郎郎中陞江西南安府知府嘉靖甲寅懇疏致政扁其堂曰倦還歸田十載謝事嗚呼尙忍言哉惟我先考賦性謹厚孝行純篤其持己清峻似不可近而與人甚恕而溫無賢否皆得其歡心然胷中白黑了然人莫能窺其際也尤澹爲營利視苟得之萬金若瓦芥卽其掄魁之日分坊金於同儕解組東歸卻贖金於舟次者可以見其微矣宦遊三十載飲冰食蘖而宗明之訪謁者則不厭接每曰素餐宜與衆共享庶免天譴也始知吉解平劇賊活饑民興學校清囹圄民建生祠以祀左遷東平繼判潞安其忠勤視昔益至僉憲趙希夔氏有曰寵辱不驚喜怒不形於色及守南



法美政難以盡述侍郎劉節氏謂其兩修觀典織毫無苟其清德  
真與古之一介不取者同風聖天子乃隆顯擢先君決意謝政疏入  
待報卽解去雖督撫慰留士民遮道不顧也徜徉林壑世事一無所干  
日惟留情詩史而已先君懷才蓄學雖不得大用於明時已居林下都  
御史懋卿氏起山林遺舊僉事趙大河氏以先君應檄隆慶改元纂修  
實錄浙藩及府縣以先君應制知縣潘允哲氏推祀鄉賢有曰清修  
節夙號名儒遺愛後思共稱循吏厚德爲一時之冠冕芳聲流百世之  
儀刑是皆名實之不可掩者宜人生於宏治癸丑三月二十六日卒於  
嘉靖甲子二月二日壽七十有二葬同城男三志道志民生員志程女  
一璠適蜀塘金守元孫男十二人舜中舜聰舜穆舜智俱庠生舜韶舜  
治舜賓舜恭舜法舜澤舜相舜咨孫女二秀適東陽庠生李有介金適  
東陽胡朝陽會孫十三賢仲南仲曜仲張仲熊仲英仲方仲皞仲義仲  
四尙幼會孫女五幼在室墓道當有碑請大司寇東厓伯父狀乞銘於



刑部尙書後屏盧公勳矣先事畧敘歷官之歲月平生之事業刻而藏諸幽昊天罔極不知所云志道泣血謹誌

張元抃榜賜進士行人司行人姪德暉填諱

同榜賜進士真定府推官姪懷忠書石

亡弟質庵暨孺人蔡氏合葬壙記

行謙二百七

吾弟惟哲之亡嘗論撰以狀哀詞以奠矣尙忍復誌諸壙顧年耄及見孺人合葬弟墓烏可以無言吾弟諱守魯字惟哲號質庵姓虞氏世居義烏之華溪曾祖諱潤隱德不仕祖諱彝以愚貴贈都察院右副都御史父諱尙禮以愚貴前贈江西道監察御史大理寺左寺丞加贈都察院右副都御史母何氏同邑濠溪人前封孺人宜人加贈淑人生男二長守愚次卽守魯弟爲人孝悌勤儉剛直公敏自幼成立先大夫稟弱多疾太淑人端飭嚴明而兄恆外遊肄業家窘時艱咸弟竭力



得父母歡心既孤與兄同爨三十載無間言無異志共成光大  
難其處族黨姻友釋紛爭急患難信與諾人多德之嘉靖十三年  
二十四日以疾卒於正寢享年四十九而已可勝悼哉十六年十二月  
望日附葬於東山父墓之左孺人姓蔡氏世居東陽十六都之鹿峯歸  
于吾門爲介婦逮事其姑孝敬曲承始終罔敢違迨其處冢婦吾淑人  
也恭肅坦易無異一本寬慈以睦妯娌貞順以相夫子後吾弟三十一  
年而歿教育諸孤克嗣其世嘉靖四十四年九月五日遇疾終於堂享  
壽七十有四明年十二月十六日安厝於弟墓禮也男五長良槐次良  
棊俱府庠生三良樸年二十八卒四良棊五良木俱克肖孫男十二德  
勳德兼邑庠生德烈德煦德丞德薦德爲德羔德謙德鳳德熟德默俱  
有知覺孫女二長適東陽少叅青厓盧公孫仲起係府庠生次適東陽  
縣後金氏名以鍊會孫五應培應墀應城應堪應坦曾孫女二嗚呼吾  
弟棄代三十有三年吾之同氣同心者無復在矣今將歸孺人以合葬



則同氣之可繫思者皆不得見焉矣若併其懿行而遺之則有不克享  
有其隆而沒將無聞於後痛恨其有既乎遂勒識以納諸幽庶以慰余  
之思俛弟之子孫顯揚褒大者知其來之有自備錄以垂永久

皆

嘉靖四十五年臘月望日

八十四翁兄守愚撰

教授清溪虞公暨孺人何氏壙記

行謙二百四十四

公諱守蒙字惟養號清溪姓虞氏系出唐文懿公世南後自宋大三府  
君由會稽徙居義烏之華溪傳一十七世而生公孝友清謹器度從容  
從兄大司寇東厓翁御史芝巖公太守石溪公咸契重之自幼入泮由  
歲貢授福建泉州府儒學訓導越八年陞楚府教授遂養重不出優勞  
林泉外慕澹如也萬歷戊寅二月初九日終於正寢距生宏治庚戌



月九日享年八十有九娶本里何文定公裔孫女貞順嚴莊深窈  
母儀生宏治甲寅十一月廿三日卒嘉靖庚申八月十七日先公  
年而逝享年六十有七子男二良策娶東陽厲氏良果由庠生授儒官  
娶東陽呂經歷女女二長適子兄儒官吳百元次適衢州府學訓導同  
邑金守身孫男九人德恩德惠德忠德志德熈德懿德慶德愛德憲曾  
孫男二應臺應高女二俱適趙茲卜萬歷戊寅臘月吉合葬於東山祖  
墓側先期果等稽顙請記於予予辱公教愛義不容辭遂爲之記以納  
諸幽窆云

昔

萬歷戊寅三月吉

賜進士刑部尙書前南京都察院右都御史

卷生堯山吳百朋撰



承德郎廣西太平府通判宏齋虞公壙誌

行讓九十五

公諱良棟字子隆號宏齋姓虞氏出唐文懿公世南後自宋大三府君由會稽徙居義烏五都之華溪傳七世有諱復者登宋嘉定癸未進士尚書吏部簪纓相繼及考東厓翁諱守愚登有明孝清癸未進士自外臺入都察院右副都御史大理寺卿南京刑部右侍郎進階二品資善大夫享年八十有七妣黃氏封淑人曾祖諱之彝祖諱尙禮皆贈通議大夫都察院右副都御史曾祖妣朱氏祖妣何氏皆贈淑人弟良材良桂良相俱係監貢幼弟良楨任雲南安寧州同知妹適本邑大理寺丞李潛厓仲子裕孫任澧州判官姪德暉舉鄉薦德煥德煜德耀俱監生奕葉恩光可謂盛矣公性孝友勤敏器度恢宏內剛外和儀範出人叔父御史芝巖公太守石溪公咸器重之自幼入泮補廩生屢試不第援例入監嘉靖庚戌授江西布政使司正理問歷俸七年旌異大舉陞東潮州府通判遇倭寇猖獗衆皆危懼公獨挺身督戰獲俘而地少



有底寧方伯劉子興序龍湖德政可紀撫按交薦適丁內艱未膺  
迨終制又念父耄甘終養不出築亭溪澗培花卉以怡親顏外慕淡  
也隆慶改元選用舊臣復補廣西太平府通判奉東宮恩詔進本品勲  
階一級奉政大夫值府僚咸缺獨任勤勞不避嵐瘴未朞以疾終於官  
時隆慶戊辰除夕也距生宏治癸亥八月四日享年六十有六有宏齋  
詩集四卷傳於家娶東陽三都樓氏貞順莊嚴深得婦道母儀生正德  
戊辰十月四日卒嘉靖辛亥五月二十五日先公十七年而逝享年四  
十有四子男一德煊國子生娶蘭溪章方伯蓉峰之季女女五長適隸  
陽三峯國子生盧堯諧次適同邑黃惟新次適東陽蔡元珂次在室孫  
男三應坤應圻應堦女二長適予男大纘官生次伯幼茲卜隆慶庚午  
三月之吉合葬於六都五龍塘山之原先期慎稽顙請記且述其山水  
之勝規畫之詳曰原脉高遠山水融結金星坐於後而形若飛鵝文峯  
列於前而狀如筆架羣山包括四水朝宗土豐厚而風氣藏木石開而



規模廣且密邇家居莊田環附乃先君之所兆也燔乃合石爲郭累石爲塋後造石屏前立石碑鑿石爲池築土爲案其墓臺儀仗門道一按大明集禮而建左立后土碑昭有主也右創小庵房便居守也又於竈塘上建屋一所廳樓兩楹共五十間以爲時祭燕饗之處扁曰永思示追遠也置墳前祐塘上下稔田一百三十畝地四十畝俾子孫輪年收租以給祀事前後左右山塲計一百頃餘俱栽植松柏以庇窀窆予嘉其繼述之孝并緝於次以識不忘

皆

大明隆慶庚午三月吉

賜進士第通議大夫刑部右侍郎高南京兵部侍郎都察院右副都御史眷生吳百朋撰

賜進士及第翰林院左春坊左諭德前修撰國史眷生小漁唐汝

丹



立齋虞先生壙誌

行讓百三十一

立齋虞先生諱良桂字子芳行讓一百三十一刑部侍郎東厓翁之子也祖諱尙禮曾祖諱之彝皆以厓翁貴贈都察院右副都御史世居華溪先生生正德丁卯閏正月三十日卒嘉靖甲寅三月十八日年四十有八所性沉毅言貌切直平生作事必求諸義誨人必繇其誠適父入宦獨侍何太淑人以孝聞事仲父最謹代勞服役朝夕弗以倦勤辭奉母黃淑人能委曲承順大得其歡心處兄弟子姪久無間言宗族貧富鄉黨無身微雖袒裼裸裎怡如也己無形骸人無疑畏遠近咸悼之用是以宏生業凡厓翁所遺未有不出先生經理者以厓翁未歲悼其先逝爲作小傳以記之始知立齋之號因成立而命也惜其資甚穎悟不究所學止納王府官屬以榮身緣初年家事未裕諸兄弟皆從父宦遊舉家計以屬之食指繁衆義有所不能辭爾然其優於詩文調於琴瑟斐然有可觀者卒後九年壬戌從黃淑人厓馬豐塘因開穴有水



厓翁令再卜焉配東陽桂坡李氏少先生七歲體柔而用剛能勤儉克  
家待諸姪無異己出以支子煒早失怙尤盡恩意長育之卒隆慶辛未  
是歲卜厓廿四都年溪橋之東越三年萬歷甲戌三月二十四日將遷  
先生以合葬冢嗣煜乞予言以識諸幽室予素屬先生愛且世締姻聯  
敢以不文辭先生嫡長女適巍山太學生趙賢時次生焯太學生娶予  
從父南豸公女妾劉氏生一女先生歿後配夫人之從子庠少時尊  
幼煒則庶母金出也甫九月而先生逝今娶刑部郎中趙公祖朝女孫  
男三應遠應達應達女三長適予從子洪暉次諾洪閏卽佃子也  
先生之學可以顯矣而不顯先生之德可以壽矣而不壽意者其厚  
而薄發必有待於將來也歟今定日以治先生之藏矣爰撫其實而  
之如左云


昔

萬歷甲戌三月吉



賜進士第江西按察司副使

眷生懷莘盧仲佃拜撰





虞母樓孺人墓志銘

嘉慶十年四月二十九日虞母樓孺人卒塋有日矣其孫俞杰等昆弟五人纂次孺人之行先期郵書日下屬爲文掩

炳濤

於虞誼屬三

世通家又重以婚姻於孺人生平懿行知之稔其以不辭遂爲之

銘孺人氏樓義烏右族也孺人產於儒家爲大明府東明縣縣丞謹

望孫女邑庠生諱向椿女國學生華溪毅齋虞公之配也有只王

以文學顯孺人行居幼父母劇鍾愛之性閑靜淑順夙遵父兄之

不踰則家中相得無間言向椿公爲女右攸廉知毅齋公賢因以

焉年二十一歸於虞克盡婦道事舅古養怡怡晨昏罔間飲食膳

之具必躬親進之處宛若之閒和如足於家人尊卑上下一無

宜時母家方隆盛又甚憐其女饋問無虛日孺人悉以奉舅姑

私室舅姑間語孺人曰新婦故素封女非珍羞弗御今而後慎母

泊爲嫌矣孺人忸怩不寧者累日於是固卻母家之使令減



善體舅如心如此舅偶染疾毅齋公

兼子職姑趙太孺人疾踰屢歲孺人天子拭掃溫清至於類

扶抱抑搔廁踰便液之事悉以身任不嘗指揮傅婢待子婦從無

遽色毅齋公課諸子甚嚴或盛怒孺人勉為勸解婢僕有過惟恐

恚怒徐徐言曰若曹蠢愚宜曲宥之公為之顏霽諸子赴試趨

料檢不遺瑣屑佛一意進取不致思慮雜泊諸孫就試孺人既

而整頓行裝一如諸子屬之曰居家宜務節儉出外勿過於濫惜

恆自律儉約而賓客往來則必從豐腆至端人碩士與夫老師宿

寒素必厚接之為子孫集益之資里郃以匱乏告量力

後快其他明於大義大率類此歲己亥毅齋公捐素羸

經理喪務內外部署井井有條時長君已入邑庠君少佐瑤政棄

舉業諸子正當勵學之時孺人曲成夫志母而兼父其後三五兩嗣君

先後入泮惟四子鵬連不得志於有司且未育會歲庚戌孺人七十之



辰炳濤大父彙詩歌製錦爲壽鵬適以是時補邑庠且生

督學儀徵阮公試金郡士諸孫俞杰椅棠同舉於年孺人誠之曰爾輩

賴先人餘蔭幸博一衿須力圖上進勿沾沾自足及又補弟子

員人皆以爲孺人之獲報不爽云庚申仲冬孺人借成

登堂祝嘏始謁見孺人甲子北上拜辭猶見既加明不

願之慶在旦暮間証知未逾半載而遽聞凶問也耶嗚呼其可哀

平居不苟言笑憚憚勿勿終身如處女親友往來雖老終不識孺人

故一門之內四世同堂食指五十洩洩藹然秩如內言

外言不入未嘗有小勃谿聞於耳以身率教潛移默化之效亦

見已疾革子婦遺言惟以不守香勿墜先緒爲囑云

熙辛丑年十一月十一日享年有五穀齋公先孺人

人希元邑學士帝鳳國

郡庠生鵬



碑文

家梁序

一月十有一日墓在

易稱坤元順承天施濂

宮千秋弗澌

賜進士出身戶部江南清吏司主事兼雲南司行走前翰林院  
加一級紀錄一次姻再姪雅谿盧炳濤頓首拜撰


生家

學生業家梯

孫女三人孺人

公之兆禮也銘曰

厥躬昌其後享









祖妣宗氏夫人墓在本都雙塘第二世府君墓右

第六世

祖考贈朝議大夫千二十五府君

祖妣陳氏贈恭人墓在本都後祝金家鈴穴取回龍

南安府知府石溪公諱文詡立石乾隆丙申仲冬月吉

立石

崑字二千四百七十一號 下地伍畝叁分柒釐 土名後

家鈴高園墳前塘壹口全十節田租三十秤墳後地貳畝

肆釐坐四都玉字七百四十三四十八等號

祖考千三十三府君

祖妣龔氏夫人附葬於第五世府君之墓左

第七世

祖考百十五府君

